

宣統元年五月 日第二期發刊

南洋勸業會通告

南洋第一次勸業會第二期通告目錄

南洋第一次勸業會會場牌樓圖樣

南洋第一次勸業會會場正門圖樣

南洋第一次勸業會事務所職員合影

事務所招待江蘇議員合影

南洋第一次勸業會組織一覽表

商憲端 奏陳南洋第一次勸業會籌備情形籲請明降

商憲端 奏請將赴賽品物概免沿途稅釐附片

商憲端 致農工商部電文

商憲端 致度支部稅務處鐵尙書電文

商憲端 復度支部稅務處電文

商憲端 復稅務處鐵尙書電文

商憲端 致各省督撫電文

南洋第一次勸業會第一期通告目錄

諭旨宣示綱要摺



3 1601 9536 2

南洋第一次勸業會第二期通告目錄

二

商憲端 致各省督撫書

商憲端 致張安帥電文

附張安帥復電

商憲端 答謝張安帥電文

商憲端 致上海董事會電文

商憲端 通飭南洋所屬各府籌辦物產會及各省各大商埠籌辦出品協會文

商憲端 札上海道蔡組織上海出品協會文

參議熊京卿爲賽品免稅事上鐵大臣書

事務所爲賽品免稅詳請 端憲奏咨各緣由文

事務所上度支部稅務處說帖

事務所致各實業家書

事務所改訂第一期三月間籌備進行案

事務所詳訂第二期四五月籌備進行案

事務所詳訂本會調查科執行章程草案附調查方法

事務所代訂各屬物產會通用細則

事務所詳訂本會會場參攷館規則

事務所代訂各省於會場建設別館規則

事務所詳訂會場內租賃規則

事務所代訂各省出品協會章程草案

南京勸業協贊會成立記事

上海實業界招待會記事

江蘇全體議員招待會記事

會場建築舉行開工式記事

開辦上海勸業協贊會演說稿

開辦南京勸業協贊會演說稿

上海與南洋勸業會

南洋第一次勸業會第二期通告目錄

南洋第一次勸業會第二期通告目錄

南京與南洋勸業會


南洋勸業會與國民之覺悟 (白話演說)

事務所擬訂本會經費預算表式

事務所詳訂月計表式



南洋第一勸業會會場牌樓圖樣



南洋第一勸業會會場正門圖樣



南洋第一勸業會事務所職員合影



事務所招待江蘇議員合影

商憲端 奏陳南洋第一次勸業會籌備情形籲請明降

示綱要摺

奏爲續陳南洋勸業會籌備情形籲請明降 諭旨宣示開會綱要明定責成以資

觀感而昭慎重恭摺仰祈 聖鑒事竊臣於光緒三十四年十一月間奏設南洋第

一次勸業會一摺欽奉 硃批該部知道欽此逾即督飭省內外官紳商董等趕速

籌備先於江甯上海兩處分設南洋勸業會事務所及董事會派委職員舉任商董以

專理籌備進行方法江甯事務所暫設庶務文牘調查建築四科酌定先後緩急約分

三期辦理以議定各項章程繪具建築圖樣爲第一期規畫會場調查物產爲第二期

建築完竣賽品齊集爲第三期其第一期應辦各事已大致就緒現正選派官紳分往

各地調查物產聯絡工商以爲勸業會之先導一面參仿日本成例酌定規章通飭兩

江所轄各府屬中先於本年創設物產會以各府知府爲監督蒐集農產工藝美術教

育諸物品就地訂期開會展覽此外各省及各著名商埠均設出品協會以各關道勸

業道爲監督徵集漁牧物產機械圖書及各項製造新奇物品以立勸業會之基礎更

聯合各省紳學商開通練達之才設立協贊會籌畫交通補助出品以作勸業會之機關至會場布置擬分設農學工學商學衛生電學體操踢球賽馬各會所分門別類陳列比賽以資研究以供觀摩並擬設別館准外國人携物與會俾得見聞畧廣風氣漸開於範圍限制之中仍收比例競爭之益此近日籌備辦法之大畧情形也臣查勸業會之設發起雖在南洋若能辦理得法預計將來效果正賴以鼓舞全國實業之進步是以體制既宜加崇預備更須周密且對於會場賽品運集勸獎補助均應格外從優庶集事較易而程功可期向來東西各國凡遇賽會無不明奉國君勅令先期頒告全國誠以事極重大非此不足以新一時之觀聽振通國之精神迨至開會有期復敕任親貴大臣爲該會總裁或審查總長以備臨時蒞會舉行開幕及授與褒狀証書諸禮主任審查賽品與辨別器用良楛諸事且有國君親臨召集內外國人躬行開會典禮者此皆各國通例故其未賽之先皆視爲特別鄭重之舉既賽之後無不收文明進化之觀中國向未仿行賽會今由南洋創辦一切章程規則前無所受締造之法既較各國爲難集合之機又較各國爲塞若不仿照各國通例則凡籌措諸端均有艱於著手

之慮臣近時諮詢僚友審察商情通達者咸一意贊成拘墟者尙不無觀望蓋以誘掖獎勵之道猶有所未盡也竊見比年以來凡關於憲法教育軍備諸要政迭奉 明

詔頒布不啻三令五申薄海臣民同深感奮賽會一事實與開濬智識導揚風化具有無形之感應而於國計之盈虛民生之豐嗇尤息息相通其關係良非淺鮮應請明降

諭旨宣示開會綱要並設正會長一員專任籌備該會一切進行事宜審查總長一員專任臨時蒞會審查酌定褒賞事宜審查總長應俟開會前期奏請 簡派其

正會長有預爲籌備各事該會既名爲南洋勸業會臣應卽督飭官紳妥爲辦理至現距開會日期不過一年事屬創行一切須早爲部署仍懇 敕下各省督撫不分畛

域預爲籌辦協會出品等事一體實力贊助庶幾海內臣庶咸曉然於 朝廷振興實業俯予提倡之至意將見內外一心上下相應爭先恐後相與圖成得因勢利導之方

自能收事半功倍之效臣參仿有時攷查既確不敢不據實陳請伏維 聖明垂察准予施行洵於中國實業前途大有裨益除飭取副會長以下任事各員銜名另行咨

部查照外謹會同江蘇巡撫臣陳啓泰恭摺具陳伏祈 皇上聖鑒訓示謹 奏宣

統元年四月二十五日奉 硃批該衙門議奏片併發欽此

商憲端 奏請將赴賽物品物概免沿途稅釐摺片

再准度支部咨江甯設立南洋勸業會自係振興實業起見查章程內開各省赴賽物品先由出產處運至南京請南洋大臣奏定概免釐稅一節當經行查稅務處據覆赴賽物品彼此售賣核與尋常商貨趁赴市場無異該會場所擬報運各省赴賽物品沿途概免之處碍難照准等語既經稅務處核駁未便准予照辦等因在部。臣就事論事專意慎重稅課固屬一秉至公惟查各國通則無論大小賽會從未有招人赴賽而轉征賽品稅之例中國既仿行賽會似此緊要關鍵若首先與各國辦法顯有不同固足貽人口實且即以中國現勢論各處實業既未振興商情孤離又久成積習今日即明言概免稅釐尙恐赴賽者未必踴躍猶必得廣籌招徠倡導之法若復限之以稅釐勸引稽征同時並舉商民將聞風裹足却顧不前蓋商人經營生計無不惟利是圖凡各項赴賽物品多係由遠道運送費用已屬不少再加以沿途稅釐一經通盤籌算受虧過甚存顧惜資本之心易阻其增益見聞之志理有必然勢有必至況現設南洋第一

次勸業會本係特別創辦迥與他處勸工陳列等所運集貨品者不同而運賽貨物又全爲特別賽會而來亦與本地日用要需應銷之貨有異卽予概免稅釐既與尋常征額仍不相妨一至賽會期竣實業漸興銷路加增此後征額亦將與之俱進此所謂因民之利而利之也將來賽會之功效何若全視稅釐之征免以爲轉移若因此一事阻碍必使全局解散羣情觀望且恐已集之會歎難與收齊未來之實業無由發達功廢半途深爲可惜此奴才所慄慄危懼而尤不敢不據實上陳者也合無仰懇 天恩

俯念賽會關係極爲重要准將赴賽物品概免沿途稅釐以示提倡而資與感出自

鴻慈逾格除督飭妥擬免完稅釐專章及運貨聯單辦法另行咨部查照外理合會

同江蘇巡撫臣陳啓泰附片具陳伏祈

聖鑒訓示謹 奏奉

硃批覽欽此

商標

臺灣省農林廳公告免稅證附片

六

商憲端致農工商部電文

農工商部溥尙書鑒。敬電悉。勸業會事。承 大部鼎力提挈。感佩無已。茲事體大用宏。在東西各國。每由政府創之於上。商民應之於下。以培國家富強之基。我國初辦。非明降 諭旨。不足以聳天下之觀聽。貴部覆奏時。擬懇仿照各國成例。首請頒發

上諭。宣布開會綱要。欽簡 親貴。爲該會總裁。貴部爲審查總長。方爲正會長。並責成各省督撫籌辦出品協會。南洋所屬各府廳。則由方通飭。各於本年先辦物產會。以爲勸業會陳賽之預備。所有籌備經費五十萬元。官商各半。商股以逐漸招足。官款亦經指定候撥。另函奉覽。至免稅印花二事。度支部竟未認可。除印花一項。原擬請度支部派員試辦。現已別擬辦法。由方另案議復外。惟賽品免稅。在歐美日本諸邦。卽他國入口赴賽之物。亦多豁免稅釐。內國勸業賽會。則政府無不任提倡獎勵補助之責。未聞有勸人赴賽。而遽征以釐稅者。中國前無所受。商民知識。又甚幼稚。卽免稅尙恐未必踴躍。否則商人愈爲裹足。誠如 來示。有竭蹶不支之患。此事於勸業會成敗攸關。方仍擬明定賽品免稅細則。轉運聯單。專摺奏陳。現值 貴部覆奏。應請申明保護

實業政策。免稅理由。俾本會得資成立。以追世界競爭之趨勢。而開吾國實業之先河。朝廷預備立意。原爲國計民生。貴部擘畫周詳。亦同此情。此次勸業會本爲第一次特別賽會。與他處勸業場陳列所辦法迥異。倘荷玉成。將來開設全國博覽會。世界博覽會。亦得樹之基礎。逐次程功。事關大局。尙祈 大部有以主持而維護之。一切未盡事宜。統候 卓裁見覆。無任跂盼。方

商憲端致度支部稅務處鐵尙書電文

度支部鐵尙書均鑒。南洋籌辦第一次勸業會。奏請豁免稅釐摺片。已於日昨奉

旨由

大部議奏具見

朝廷慎重稅帑。不厭求詳之至意。惟有不得不重言以申請

者。勸業會之成敗。全視能否免稅爲轉移。近年東西各國。開設各種賽會。其效力所至。近足以擴張人民生計。遠足以開濬稅源。凡對於國內赴賽物品。不獨不收稅釐。且有發國帑以補助賽品之運費者。我國農工不振。民智未開。創辦伊始。備極艱難。南洋爲洋貨充斥之區。尤宜急謀挽救。去年滬上洋商議關租界。舉行賽會。若不急起直追。必有喧賓奪主之患。此會自奉准後。曾於二月設立事務所。訂章派員分赴各屬各省籌

辦物產會出品協會及協養會等。現已次第成立。預備運糞。倘使稅釐格不能免。不獨工商裹足。股東亦必解體。此後官商合辦之實業。將一蹶不可復興。失信商民。貽笑列國。尤不能不早爲籌及也。至以稅則言之。在各國百餘年前。卽將國內釐金。全行裁撤。我國一時雖未能辦到。但此次赴會物品。皆由各地方查報填單。限期計數。轉飭起運。沿途仍由關卡嚴查夾帶。與向來銷售之貨。絕不相混。其外國運入參考館之物品。則照各國歸還稅通例。先行查明數目。於會後銷出。再行徵收。往年奉天設立陳列所。奏請商人運貨到奉者。概行免稅。會蒙 尊處核准。南洋籌辦斯會。原照特別博覽會辦法。與川津之勸業會各省之勸工陳列等所規畫。迥不相同。雖屬官商合辦。而宗旨實本於拓充生計。輔助教育。且足抵外貨之流入。擴土貨之銷場。卽於增進稅額一層。亦得以操左券。我 公洞達商情。慎重稅則。尙乞鑒察以上情形。迅賜議准彙奏。以慰南洋商民之望。至荷玉成。尙祈賜復。

商憲端復度支部稅務處電文

度支部 稅務處 均鑒。准稅務處文電。承詢南洋勸業會會否定有期限。是否內國賽會。抑係

准各國貨物入會等因。查南洋創辦勸業會。係參照列邦內國賽會辦法。訂明賽品轉運規則。先由各處物產出品等會查報填單飭運。限期自本年十月後明年四月開會前。一律運入會場。其賽品每種量數。均照賽會通例。分類定立限制。運行時經過關卡。仍飭呈單驗放。似此節節稽查。斷不容絲毫影射。且均係特別赴賽之品。本非尋常商貨可比。雖請豁免稅釐。與各處原有徵額。絕不相妨。至各國貨物入賽。係列入參攷館。現已訂章聲明。如有外洋運賽物品。於入口時預納正稅一道。備存海關。俟會期既畢。再核計售出運回數目。分別應徵應還。照章辦理。此亦各國賽會待過外貨之成例。所以特設參考者。原因洋商製造日精。得此比較。可以增廣華商之見聞。鼓勵實業之進步。該館建地計共三百方丈。而本國各項館院。規地建築。現已預定一千八百方丈左右。是以此次賽會。仍專以華貨為主。連日接見甯滬紳商。悉心討論。僉謂免徵稅釐一節。必難邀准。賽會斷難成立。東西各國對於國內赴賽物品。不獨不收稅釐。且有發國帑以補助運費者。我國農工不振。商力尤疲。創辦伊始。備極艱難。倘因不免稅釐。工商裹足。股東解體。會事將有始無終。其貽笑外人猶淺。而信用失於國內。異日再擬舉行。

恐無起而應者。往年奉天設立陳列所。奏請商人運貨到奉。概行免稅。會蒙 尊處核准。南洋此次創辦賽會。似較陳列所尤爲重要。而與川津等處之勸業會。各省之勸工場。規畫迥異。大部處洞達商情。慎重稅務。敬祈 俯念此次賽會宗旨。實在拓充生計。補助教育。他日於增進稅額一層。必操左券。迅賜議准彙奏。以慰南洋商民之望。不勝禱企并乞 賜復爲幸。

商憲端復稅務處鐵尙書電文

稅務處鐵尙書鑒。文電悉。南洋奏辦第一次勸業會。本係按照各國內國賽會辦法。規畫一切。迥與近年川津等處勸業會。及各省陳列勸工等所不同。所有運賽物品。特明訂轉運規則。先由各府屬物產會。各省埠出品協會。照章查明填單飭運。限期自本年十月後。明年四月開會前。一律運至會場。凡賽品每種量數。并照賽會通例。分額定立限制。其運行時沿途經過關卡。仍飭呈單受驗。以杜夾帶。似此期內運行。均屬特來賽會之貨。即將稅釐豁免。必仍與各處徵收原額無妨。且茲會爲南洋特別奏行。亦非他省尋常地方賽會。所得效尤而藉口。至會場建立叅攷館一所。專爲集成僑寓中國租

界洋商製造各品。以資比較參考而設。訂章規地。均有限制。此外僅有各國工商熱心運貨來華陳賽者。并擬訂章聲明於入口時預納正稅一道。儲存海關。俟至會期既畢。再核計銷售運回數目。分別應徵應還。照章辦理。此各國賽會待遇外貨之成例。各國當決無異議。查各國近年。於其國內貨物。本早撤通過稅釐之例。而一至賽會期間。且有特發官帑補助運費者。吾國農工不振。民智幼稚。年來外貨流入。浸灌愈深。商務差負。日甚一日。南洋地屬交通。受患尤烈。且邇來滬上洋商。已有舉行賽會之說。於此欲圖挽救。爭先着實。非速辦賽會不可。而究之此會成敗之機。又以尊處能否准免稅釐爲斷。往年奉天以抵制日本貨銷。奏辦勸工陳列等所。曾經尊處核准豁免稅釐一次。南洋此舉。與彼辦法。雖不相同。而論與內禦外宗旨。則仍一貫。茲承見詢。特此關縷奉陳。尙乞尊處鑒核各情。迅賜議准復奏。東南士民。母任懸望之至。方奉調北來。卽擬於本月 日啓程。該會一切細情。當容面罄。肅此奉復。仰祈電示爲荷。

商憲端致各省督撫電文

南洋籌辦勸業會。已由官商集合資本五十萬元。勸定會場於城內公園附近地方。訂

期宣統二年四月朔開會。九月晦閉會。迭經奏准咨明在案。茲事體大。爲日又促。辦理種種。均須切速。現已派奏習江蘇差委陳道琪爲坐辦。專任籌備執行一切。於本月五日設立該會事務所於城內花牌樓地方。爲會務全體機關。惟是會場雖在南洋。而商品陳賽。會務組織。非得各省同力合作。相助爲理。未易集事。刻下籌備伊始。擬仿各國賽會成例。先由本省各屬設立物產會。外省各埠設立出品協會入手。以立基礎。其餘應備諸事。統飭擬訂分期進行表案。以期按月呈功。不致遲誤。貴省工藝物產。暨實業各界。近承 倡持。日益展達。尊處對於此舉。定荷贊成。尙乞不分畛域。邪許相將。共擊茲舉。尤所企禱。至該會各種詳細章則。除飭分別擬呈。再由敝處隨時咨送查照外。特此先電奉聞。

商憲端致各省督撫書

遠欽 雅範。時切心絃。比維 庶政日新。賢勞何似。無任靳頌。中土財政困難。上下同慨。東南夙號膏腴。亦覺左支右絀。推原其故。皆由實業不昌。生計日拙。有以致此。吾國地大物博。就農工商三者而言。無一不可以立國。乃通市以來。進出商務之差負。日甚

一日。及此不謀挽。救。江河日下。流極何已。前奉 使歷游歐美。見各國近祺。皆集意於生計競爭之事業。其獎勵保護之法。無微不至。尤復注重賽會。其舉行也。徵集商品。第別良楮。優加賞賚。其款多由官家補助。其事多由親貴大臣主持。榮譽所在。班墨接珍。以視吾國士人。昔年之趨科舉。其踴躍過之。美國紐約以西。本皆荒土。自歷開賽會。遂爲世界商業繁盛之鉅埠。日本明治十年。大久保於經濟困難之秋。經營第一次勸業會。今且歷開至第五次。以故日本商業。風靡亞東。財政亦爲之稍裕。方外察各邦政策。內觀吾國近勢。深抱杞憂。爰與三省官紳。籌辦第一次勸業會。業於去歲十一月間。奏准招集官商股本五十萬元。就甯垣擇定會場地址。設立事務所。派陳道瑛爲坐辦。切實籌備。定於明年四月開會。所擬各項章程。疊經先後咨明在案。惟會地雖在南洋。而私計效果所收。當有鼓舞全國實業界之勢力。以抵制列強澎湃之潮流。惟事屬創舉。前無所承。查各國每開賽會。各地必先開物產會出品協會以爲之備。貴省近年實業。日形發達。具徵 提倡熱心。無任忻幸。此次舉辦南洋勸業會。當亦 賢者樂爲贊成。茲已派員函承 訓誨。務希 執事轉飭各地方官。會同紳商。於省會及各通

商大埠從速組織出品協會。廣蒐物品。陳列比較。以備屆期運甯與賽。倘能先於各府會搜羅各本地土產工藝。預設物產會。互相研究。以爲出品協會之預備。則辦理較易着手。是在 執事提倡於上。則商民必能感應於下。伏祈 察照施行。無任感盼。再斯會既以勸業爲名。則比較陳列。其規模尤須廣遠。方足以壯中外之觀瞻。牖人民之知識。現在營繕方始。議定會場規畫。除將原擬本會各部專館次第建築外。並分段酌留餘地百畝有餘。以爲各省指認地點。分築別館。儲置精美物品之用。貴省物產菁英。夙軼他處。倘能於場內建一別館。蒐聚所有。特別標陳。斯固 貴省之榮。而亦敝會之幸也。如荷 允行。即乞先派專員來甯。面爲接洽。以資籌辦。尤所深禱。伏頌 勛安。統希 亮察。

商憲端致張安帥電文

廣州張制台鑒。前電馳賀。亮達左右。方奏辦南洋勸業會。係仿列國國內博覽會辦理。我國生計日艱。漏卮日鉅。非振興實業。無以救危亡。非仿行賽會。無以昭鼓勵。茲會之

設。關繫至大。實非得已。迭次奏咨。諒邀大鑒。雅事屬創行。圖成非易。所幸宜商合辦。聲氣尚通。各省屬出品協會物產會。亦均次第籌設。方於江甯省城設立該會事務。飭委陳道琪率同辦事員紳。如期籌備行進。再得我公臨蒞。毅力主持。熱心督促。盛會之成。定能如願。此會爲中外觀瞻所係。紳民嚮往所關。風聲所樹。踴躍倍增。倘蒙我公賜電。允爲始終提挈。則羣情必更鼓舞。不獨該會之幸。抑亦我國全體實業界之幸也。茲派調查科長陶主事遜赴粵。恭叩台端。面陳會務。粵省出品協會。應如何辦理。務乞俯賜訓誨爲禱。方叩。

附張安帥復電

南京端午帥鑒。洪個電悉。前承電賀。敬謝我公。奏辦南洋勸業會。爲全國樹。厥風聲。將來實業之振興。卽兆於此。遠謨盡畫。佩慰良深。駿移督是邦。忝承公後。旣得預茲盛會。適當始終提挈。以期相與有成。至陶主政。尙未抵粵。俟接晤後。當可詢悉一切。粵省出品協會。已屢次轉行勸業道。飭屬籌辦矣。駿敬。

商憲端答謝張安帥電文

廣東張制台鑒洪敬電悉南洋勸業會得公鼎力贊助始終提挈俾底於成當將尊電傳知該會此間商民同聲欣幸方有

商憲端致上海董事會電文

上海商務總會南洋勸業會董事會諸公均鑒。鄙人奉調北洋。朝旨敦促成行。伊邇耿耿此心。未能忽然者。惟勸業會當鄙人與諸公發起時。原爲同舉興業。振勵商情。事關國計民生。諸公倘不以鄙人之取留而異趨嚮。安帥老成卓識。力任其難。必能匯成盛舉。鄙人雖去。仍無不勉。維持如免稅等事。並當就近面與樞府商榷爭議。以期克副諸公之願。除面商護院電懇安帥外。特囑陳道琪轉達一切。務祈諸公力持初志。奮勉進行。勿稍鬆懈。至盼。諸公日內有暇。如能來甯一晤。面罄所懷。尤深跂荷。方元

商憲端 通飭南洋所屬各府籌辦物產會及各省各大商埠籌辦出品協會文

爲札委事案照南洋創辦第一次勸業會業經奏准並分別派員辦理在案查勸業

會事屬創行應由各就近地方先設物產會蒐集土產工藝定期陳列比較以爲將來導省陳案之預備庶商人知所適從物品可期精進茲經議定於各府會地方按照所訂章程設立斯會由該屬長官與紳商學界合力圖成當此時局艱難

朝廷明詔迭頒兢兢以振興實業爲要務地方官爲一方之表率須知此舉乃物藝競爭之關鍵卽國民生計之大原與籌備立憲地方自治諸要政相提并重茲派該府爲物產會監督該商會總理充物產會創立員會同調查員實力宣勸趕緊組織定期開會認真研究各本地土產工藝以立勸業會之基礎本部堂視物產會辦理若何嚴定功過章程分別懲勸事關富強本計各應竭力舉辦以底於成除分別札委外合亟札委札到該府會即便遵照會同地方官及調查員調查員及紳商學界妥籌辦法並轉飭各分會一體遵照辦理仍將辦法情形先行具報查核毋稍遲延切切此札

計札發規章一本

兩江所屬各府廳州及商會

一札江甯府

- 一 札蘇州府
- 一 札太倉州
- 一 札松江府
- 一 札常州府
- 一 札鎮江府
- 一 札淮安府
- 一 札海州
- 一 札揚州府
- 一 札海門廳
- 一 札通州
- 一 札徐州府
- 一 札安慶府
- 一 札徽州府

商憲編

通飭南洋所屬各府籌辦物產會及各省各大商埠籌辦出品協會文

一九

一 札甯國府

一 札池州府

一 札太平府

一 札廬州府

一 札鳳陽府

一 札潁州府

一 札廣德州

一 札滁 州

一 札和 州

一 札六安州

一 札泗 州

一 札南昌府

一 札饒州府

商憲端札上海道蔡蔡組織上海出品協會文

商憲端通飭南洋所屬各府籌辦物產會及各省各大商埠籌辦出品協會文

- 一札廣信府
- 一札南康府
- 一札九江府
- 一札建昌府
- 一札撫州府
- 一札臨江府
- 一札瑞州府
- 一札袁州府
- 一札吉安府
- 一札贛州府
- 一札甯都州
- 一札南安府

爲札飭事。照得維持國計。以振興實業爲始基。振興實業。以舉行賽會爲先務。徵之東西各國。成效昭著。煥然大備。本部堂奉 旨允准於南京省垣籌辦南洋第一次勸業會。集股本洋五十萬元。官商各認其半。業於本年二月設立事務所籌備一切。并由本部堂將官認股款二十五萬元。先行籌墊的款。隨時由事務所撥用。查中國地大物博。賽會事屬創辦。搜羅殊覺不易。必須各省各埠。就地組織。先具規模。明年開會時。始易藉手。現經定議於南洋所屬各府治。徵集各府屬物產。組織物產會。於全國各省會及各大商埠。徵集各省及各商埠物產。組織出品協會。先期陳展展覽。以爲南洋勸業會之預備。此次勸業會既以南洋爲名。所謂南洋各地方一切組織。自應力求完備。惟是各屬風氣。開塞互殊。上海商賈雲屯。人知愛國。將來會場能否生色。以上海官商能否踴躍從事爲斷。且上海一埠。商業殷闐。雖爲全國之冠。而外貨充溢。力民日殫。名爲商務繁盛之區。實卽生計消亡之地。非亟加補救。何以挽回利權。前者上海紳商。有中國品物陳列所金石圖書賽珍會之設。紳商之熱心公益。與該道之提倡有方。均可想見。惟事屬草創。範圍或局於一偏。規制未臻乎宏大。茲當南洋勸業會籌備進行之際。

亟宜組織上海出品協會。爲各商埠倡。上海紳民有矜式全國之義務。該道又有率先紳民之天職。除照會李紳鍾鈺爲上海協贊會總理。並經知照會同該道組織上海出品協會外。合亟札飭。札到該道。務即籌撥的款。合同該紳民從速辦理。毋稍遲延。切切此札。

參議熊京卿爲養品免稅事上鐵大臣書

敬稟者。職道日前在京。趨叩

起居。適逢

政體違和。未聆

鈞教。無任歉仄。嗣以家事。請假南旋。匆匆出都。不及再謁。尙有應陳之件。如南洋勸業會貨物免稅一事。業託曾剛甫參議轉陳

鈞座。想蒙

洞鑒。職道前辦江蘇農工商局兼南洋勸業會參議。於此舉有贊成之責。深悉其中辦法宗旨約有三端。敬爲

大帥縷晰陳之。一爲關於實業者。查江蘇近年來人民生活程度。日高一。而製造物品。其價值仍無進步。兩相比較。實可寒心。職道前曾編有比較表。附呈鈞鑒。推原其故。皆由民人昧於研究改良之理。卽如綢緞絲繡。本爲江蘇特產。然因織畫不精。難合西人之嗜好。故銷路亦因之日滯。推之他省。亦莫不然。非集各省物產精華。以資其比較。縱各國人民觀覽。以覘其嗜好。則輸出品必無增加之一日。國計民生。勢將坐困。可斷然矣。一爲關於商埠者。東西各國。往往經營荒島。不數年而臻爲繁盛。繁盛所在。卽其勢力所及。上海租界。始於英人。故英人商務。首屈一指。然自滬甯鐵路既通。由蘇達滬。瞬息可至。租界商民。移家蘇垣者。絡繹不絕。上海工部局。調查市面空宅。積至二千餘戶之多。房捐亦因而減少。此內地交通之效也。南京城北一帶。廣野荒涼。理應設法振興。况滬甯津浦兩鐵道。皆以南京爲終點。若不速占先着。則商務又將爲外人所攫奪。今勸業會之區域。卽與下關商埠相接。以通爲塞。此其時也。一爲關於商務者。中國商人。昧於世界知識。無冒險進取之志。非有大宗土貨。爲民間日用所必需。他省市場所必銷者。往往憚於營運。如廣東之牙器銀器。福建之漆器。四川之手工各器。山東之改

良各器。雖屬工藝精品。亦不過就遊發售。各省鮮有知者。近年來各省設有商品陳列所。廣搜京外物產。較前略有進步。然皆由官吏提款採買。於運道銷場及消耗費用之實驗。甚屬茫然。不足以爲商人法也。勸業會之設。一則使各省未知名之物產。以媒介於中外商人。一則使各省未經驗之商人。以練習於遠近銷路。而獎給賞牌。崇其名譽。品評報告。勵其將來。皆於發達商務有密切之關係也。以上三端。實爲勸業會最要之宗旨。然其能否收效。全視

鈞處之能否免稅。蓋華商魄力最小。知識最淺。苟無把握。卽不肯賠錢以從事。丁未年。鐵道辦理奉天農工商局。曾經詳蒙 軍督憲奏准。將各省商人運貨至奉天商品陳列所。勸工場貿易者。概行免稅。以期與日本商貨相競爭。而南方商人。終以運道太遠。至者寥寥。今南京交通便利。雖勝奉天。然若不蒙

鈞處准予免稅。則商人裹足不前。勢有所必至矣。夫勸業會既以官款二十五萬元商款二十五萬元組合成立。一旦商貨不齊。幾成虛設。非獨爲外人所訕笑。官商各款所虛糜。而官款二十五萬元。竟無取償之法。其虧損仍累於

國家恐不止於

鈞處免稅之數也。況勸業會所重者。爲精緻貨物。各省商人工廠。均須於勸業會未開之前一年。提集資本。預備製造。力求精美。是此項貨物。實於普通出口土貨之外。爲特別之增加。似於：

鈞處稅務。無所減損。使勸業會若有成效。將來精品出口。日有所增。且於

鈞處稅務。日有所益也。查東西各國貿易政策。多以保護補助爲主義。保護者如出口稅。輕進口稅。重之類。而英國以穀米物缺乏。且并進口稅而亦減之者。冀以輕工業家之成本也。補助者如津貼遠洋郵船及商廠學堂之類。而英國以印茶運美。且并廣告費而亦助之者。冀以奪日本茶之銷路也。此外尙有無形之利益。如瑞士日本。均以山水明媚。招引各國官商來遊。耗其遊費。有視同一種進口貨物之稅項者。今勸業會之設。即使官商成本。有所虧損。然外商雲集。行旅有費。遊觀有費。購買有費。均於內國收無形之利益也。惟免稅貨物。所慮者沿途滙賣。致滋流弊。擬請照奉天商品陳列所勸工場免稅成案。由出產省分填給免稅單。以若干件爲限制。運至江南。派員按照單上

數目查點。以昭核實。而免侵漏。厥造爲振興目前商業。增益將來稅務起見。用敢貢其一得之愚。是否有當。伏乞

鈞裁。專此肅稟。恭叩

鈞安。

事務所爲養品免稅詳請 端憲奏咨各緣由文

爲詳請奏咨事。案於本年 月 日接奉 憲台札開。准度支部咨云。查明詳復等因。到所奉此。祇聆之下。且悚且欽。惟 於此。猶有不能不翻縷以陳。鈞聽者。蓋以南洋勸業會一舉。原以啓牖人民。策興實業。兩者爲宗旨。會場雖在南洋。定名雖曰勸業。而預揣效果所收。實欲以樹吾國富強之基礎。而輔將來憲政之進行。所慮者。事屬創行。而國民之知識程度。猶苦不及。以今日時勢言。則本根至計。實屬萬不容緩之圖。以內地情形言。則措置百端。不無行之維艱之慮。自奉 憲委籌辦以來。仰體 憲旨。經始創畫。殷殷無已之盛懷。凡於擬訂本會各項規章。靡不扼要推行。而對於農工商諸界。勸導獎引。鼓舞招徠。尤復再三加意。以期明年開會。有彌負僭臨之盛。無中

道潘祖之虞。現在該會商股二十五萬元。已經漸次招足。而官股二十五萬元。亦蒙憲旨撥款指定在路股押款宣院售款等項。諭飭撥用。除所有此項撥定官款項數。應請 憲旨即賜咨復立案外。 自當督率在事員紳。嚴定預算表。格外撙節。并由

會同會計董事庶務員會計員籤押動用。以求核實而免虛糜。至會場售品。擬徵印花稅一節。初意原擬仿照各國賽會成例。咨請度支部派員監收此項。俾會場畧沾餘潤。以資補助。近與在會員紳切實計議。余以此項。既與度支部親議頒行之印花稅。則名義相同。自應遵飭勿議。惟有於此舉關係最為緊要。而不能不重言以申請者。則為違品免稅一事。伏查此次南洋創辦茲會。本係按照特別賽會辦理。其一切情形。不僅與吾國嚮來商販人等。登貢土產。赴市參集者。不同。即與北洋所設勸業場。各省近年勸工陳列等所。徵集貨物者。亦迥然有異。 歷觀東西各國近年賽會。如日。如美。如法。如意。舉行已非一次。而吾國赴賽。亦非一次。既未嘗聞有招人赴會陳賽之時。而即先徵賽品以稅之事。且攷其對於內地各處之物產製造等。在百餘年前。尚有通過稅釐之制。今則本國以內。銷運往來。所謂徵收稅釐之例。已盡行撤廢。而一至賽會期間。

則凡國內出品運賽赴會者。尤別有官帑補助。運費減免。種種優待之法。與調護之策。用以扇獎而勸進之。蓋非此。既不足以昭示。國家提倡實業之深心。卽不足以啓發。商民利益競爭之思想也。吾國邇來天產工藝各種。既不足與各國比隆。而民智幼稚。又不足與各國衡較。且向來釐稅稽征之法。尤與各國所謂保護政策者。迥然兩途。今者平心計之。以賽會之故。徵召各地商工人等。運載產物。間關赴賽。卽使沿途釐稅。概行豁免。尙恐來者。未必有踴躍恐後之觀。若復繩之以稅。勸引稽征。同時并作。則使商民閉風裹足。觀望不前。而該會亦將有中途塌躓之患。此次稅務處。以免稅一層。礙難照准。揆其用意。無非爲慎重稅項起見。要知此項運載來會之貨物。按照本會所訂轉運規則。係由本會事務所先期刊印三聯運單。發由各處物產會及出品協會查照填報。始能起運。且所運物產名色量數件數。復須由本會所派監督及審查員審查以後。確認該貨物等實係來會陳賽。復與本會所訂陳賽各章。運賽日期。不相違碍者。始准運行。故凡此次運貨。在此期間。均特爲賽會而來。本與地方需要尋常銷售之品有別。卽行豁免釐稅。必仍與舊來徵收之額無損。矧夫賽會之舉。原爲實業振興之機關。實

業振興。卽爲稅款豐增之根本。一俟開會完畢。百貨雲集。銷路日張。將來稅額。必有加入。因果相積。理有固然。此又能先事預計者也。 自奉飭後。連日與滬甯商董。暨在事員紳等。再四討論。咸以吾國今日經濟困難。實業愈敝。已達極點。欲謀挽救之術。固當以賽會爲緊要之機緘。而維今日賽會一舉之成敗。尤當以賽品豁免稅釐一事之可否。爲先期之決定。全局所係。至爲迫切。爲此詳細陳明。并將本會擬訂轉運規則。錄呈 鈞鑒。伏乞 憲台恩賜核奪。仍將運品免稅一節。據情迅賜 奏請 俞允施行。并乞 咨明農工商部。暨度支部。一體查照辦理。斯固達該會創辦之初願。而亦吾國國計民生前途之福也。所有 奉飭詳復。暨籲請 奏咨各緣由。理合具文詳請 仰祈 憲台俯賜鑒核。批示祇遵。實爲公便。爲此備由呈乞照詳施行。須至詳者。

事務所上度支部稅務處說帖

竊維民生莫先于生計。而國用莫切于稅釐。然國民之生計。苟未見其發舒。則國家之稅釐。必難期其增旺。是生計與稅釐。實有相因一貫之勢。東西各國競設賽會。以謀其國內實業之興盛者。雖曰爲國民謀生計。實則爲國家擴稅釐也。我國當此籌備立憲。

百端更始之時。益以民生凋敝。國帑支絀。其必以振興實業。爲充裕度支。舉行新政之計者。昭然共見。然國民之新識未足。惟官府之好惡是從。必在上者先爲提倡。在下者乃知踴躍。將欲振興實業。自須仿照各國成例。以開設博覽會爲始基。博覽會者。萃全國之農工商品于一隅。以比較明利弊。以獎勵寓勸懲。導之使競爭。卽策之使進步也。南洋奏設第一次勸業會。蓋亦有見乎此。惟事屬創舉。官紳若觀望不前。商民必畏難而退。前南洋商憲端奏請將赴賽物品豁免稅釐摺片奉

旨由

鈞部議奏具見

朝廷慎重國稅之至意。攷東西各國開設各種賽會。對於國內赴賽物品。不獨豁免稅釐。且有發國帑以補助賽品之運費者。良以征商之義。本有常經。其物品之來也。原爲求售而來。商賈之往也。亦爲牟利而往。征以稅釐。在法爲當。至運赴賽會之品。則專以供國人之研究。增國人之智識爲主義。有將來公共之大益。無現在一人之私利。故不與尋常商品同科。可謂爲攷試品。亦可謂爲教育品。以攷試品教育品之性質而征之。在情誠有所未允。我國實業愈敗。民智閉塞。勸業會創辦伊始。備極艱難。縱竭力爲商民計便宜。猶有裹足不前之患。倘使稅釐不能豁免。則工商無赴賽之心。股東有解

體之勢。必至國家興業之要政。敗于半途。官商合辦之宏規。一蹶不起。其失信商民。貽笑外國。爲害良非淺鮮。惟 鈞處主持大體。洞察本源。知勸業會之成敗。關於實業之興衰。稅釐之征免。係乎勸業會之成敗。如蒙 鼎力維持。俯賜議准。則中外商民之感發。國家實業之振興。收效于將來者至宏且博。而又于國家正稅無妨。蓋赴賽物品。皆由各地方查報填單。限期計數轉飭起運。沿途仍經關卡嚴查夾帶。自與向來銷售之貨。絕不相混。其外國運入參考館之物品。則仿各國歸還稅通例。于貨物入口時。預納稅金。俟閉會運貨返國時。按照原納金額。如數歸還。是則于情爲允。于法爲當。而國家振興實業之至意。 鈞處鄭重稅則之深心。均足以昭示天下。薄海人民。有不同欽盛德者哉。謹將前南洋商憲端奏請豁免南洋勸業會赴賽品稅釐摺片。懇賜議准情形。敬具說略以陳。伏維 垂鑒。

事務所致各實業家書

久欽 偉業。時切心絃。雲樹遙唳。積懷成海。比維 新猷高集。令譽風宣。爲無量頌。茲啓者。南洋商憲陶齋尙書。以吾國民生日敝。實業不昌。經濟國力。均有日見消乏之

勢。思有以維持而補救之。特仿各國賽會成例。奏辦南洋第一次勸業會。由官商共集資本五十萬元。建會場於南洋公園附近地方。定期明年四月朔日開會。九月晦日閉會。所有該會各項應辦事宜。特委 等專理其事。設立事務所於省垣花牌樓文昌巷內。專司該會籌備執行一切。等自揣材疏任重。深慮負荷弗勝。祇以此舉關繫吾國全局。進退之際。損益匪渺。遂不得不再三勗勉。承乏其間。惟是該會爲吾國創辦。運集陳賡。前無所師。所訂會期。又甚迫促。組織之事良多。進行之機宜速。羣策羣力。邪許相資。固不得不斷望於當世熱心毅力之君子者也。查本會定章。除凡本會所隸各府屬暨外省省會與商埠各所在。先於本年秋季分地設立物產會暨出品協會兩種。以爲預備而資贊助外。其餘各處。無論遠近。凡爲實業公司局廠。或農或工或商。係舉一業特別成立者。均請按照本會所訂出品運賽各章。各自組立出品協會。除將本公司局廠所有出品一律預備運賽外。餘各場舍機具之模型。與原料成器之標本。暨工作營業之影片規畫等。俱望預先製備。標注陳明。隨同出品。一體運赴來甯。入會陳賡。蓋以茲會爲全國實業比較競爭之場所。而亦各界事業擴張廣告之機關。夙仰 貴公

局規模闊遠。在吾國中。久馳盛譽。想邇來 策持所業。發展日隆。茲特派遣 會調查員 實呈 會第一期刊行各項章則。全份躬趨 宇下。親接 教言。即乞 迅賜鑒覈。查照施行。並希 面與該員接洽一切。毋任跂幸。再 會現已購定公園房地百餘畝。面積甚宏。其會場規畫。除將本會各部專館。分地建築外。並於東南隅。預留隙地百畝。以備各省著名商家及實業團體認租自建別館陳列特別出品之用。該地有天然池水。與林木相映。明瑟蕭爽。最據會場形勝。 貴局 廠司有意及此。請即酌定面積大小。與建築形式。先期派人來甯。面與本所議奪。斯固 會之光榮。而亦 貴公 廠司之特色也。 廋肅寸衷。特布區區。

事務所改訂第一期三月間籌備進行案

三月 發送事務所成立及請明發 上諭請免稅三摺

同 議定會場布置裝飾大畧

同 發布南洋勸業會總章

同 發送參攷館規則

-
- 同 定本會大概經費預算表
 - 同 成立各科分科辦事
 - 同 議定會計所用各種簿記及預算決算表式
 - 同 議定各科通用及專用各種表式
 - 同 議定陳列廚架式樣
 - 同 組織工專科
 - 同 議定各種廣告并發布
 - 同 南京協贊會成立
 - 同 繙譯各種章程分送外國領事及洋商
 - 同 會同南京協贊會會員開研究會
 - 同 會場內填塘平地專件開工
- 事務所詳訂第二期四五月籌備進行案

四月 上海出品協會事務所成立

事務所改訂第一期三月間籌備進行案

事務所詳訂第二期四五月籌備進行案

三六

同 詳訂會場建築圖樣

同 投標估工

同 舉行建築開工式

同 專員赴漢與武漢競進會交涉

同 開工建築會場內勸工場爲實屬物產會會場

同 開工建築會場內事務所

同 發布油畫廣告及各項廣告

同 派定皖贛兩省地方物產會創立委員

同 會同組織實屬物產會並設立事務所

同 詳請委員催辦各屬物產會

同 地方物產會創立委員會同地方官及調查員研究實行辦法報告組織

情形

同 與各輪船鐵道公司辦交涉減價事件

-
- 同 會同組織蘇州物產會并設立事務所
- 同 完結會場內平地填塘事件
- 同 編纂第一期調查員成績報告
- 五月 催辦各屬物產會委員出發
- 同 專員赴京
- 同 專員赴廣東及南洋各島埠組織出品協會
- 同 發布出品目錄
- 同 著手製造陳列廚架
- 同 江西各屬物產會成立
- 同 會場各館院同時開工
- 同 通發招待外賓書札
- 同 招商承辦轉運公司
- 同 定蘇甯兩屬物產會會場

事務所修訂第二期四五月籌備進行案

同 開審查員研究會

同 議定審查方針及方法并分布

同 請派專員查辦各屬物產會籌辦情形

同 組織外務科

同 組織出品科

同 組織編纂部

同 兩湖協贊會成立

同 會場內事務所建築竣工

同 京津協贊會成立

同 福建出品協會成立

同 勸工場竣工

同 發布第二期通告

六月 移事務所於會場內

-
- 同 各省各大商埠協贊會成立
- 同 會同蘇甯兩屬籌備物產會開會事宜
- 同 湖南出品協會成立
- 同 湖北出品協會成立
- 同 直隸出品協會成立
- 同 組織會場紀念品物製造事宜
- 同 廣東出品協會成立
- 同 招商設備電燈自來水各項事宜
- 同 開工修築馬路
- 同 改建車站於會場止門附近
- 同 開工修理會場內花園
- 同 僱各省各大公司建築別館
- 同 僱各協贊會建設會場內游戲館院等事

事務所詳訂第二期四五月等備進行案

同 籌備建設堆棧

同 招商承辦會場附近各項商店

事務所詳訂本會調查執行章程草案

第一章 總綱

第一節 本會詳定事務所簡章暨職員辦事規則內於調查職務已定大略茲復詳訂此項專章以便執行其要綱分條列左

(甲) 宗旨 調查各地農工商業諸團體及各處天產工藝各物品以圖本會賽品機關之利便而策本會會務之進行

(乙) 性質 本科對於各處物產會出品協會及赴會之出品人與來會之出品一切除實行調查職務外并具有勸導交通督催組織以暨集合報告種種之責任是為本會事務部內唯一之助動機體

(丙) 範圍 凡為本會規定應設物產會與出品協會所在之地點即為本科各職員執行職務一切所定之範圍至其人員區域之支配屆實行職務時另以調

查區域表規畫之

(丁) 組織 本科按照詳定事務所籌備簡章於本所設置科長暨副科長各一人協同主任執行本科職務其科員分別列左

(一) 科員若干人(分任本省各屬及外省各都會各商埠調查之職)

(二) 特別調查員若干人(凡擔任調查鐵道礦產等專門實業或爲一二屬一二省之主任調查者曰特別調查員)

第二章 資格

第二節 除本科科長及副科長兩員另由本會事務所遴員案呈委任外其餘凡具有左列四項資格之一者均得任本科科員

(甲) 對於本省各屬與外省各埠具有實業上諳練之學識者

(乙) 對於各地農工商等各界具有聲譽信用者

(丙) 對於調查一切能實行其職務者

(丁) 對於勸導交通組織查報諸事具有熱心且勤敏耐勞者

第三章 委任法

第三節 凡本科科長科員委任之法約分四種略舉如左

(甲) 推任 由本會事務所各職員以暨股東董事等公同推舉案呈會長按名委任

(乙) 選任 由本會事務所遴擇具有第二章所列各項資格之一者呈請會長加札委任

(丙) 請任 凡各地方紳商如具有第二章所列之資格又能實行其職務者亦可由本人自呈願書於本會事務所叙明住址職業及擔任調查之範圍由本會事務所查核後案呈會長委任

(丁) 特別聘任 凡為各處具有專門之學識與實在之經驗以暨諸實業團體握有主權素著聲譽之人雖非寓居本會建立地方亦可由本會事務所指名案呈會長特別委聘主任本科職務以收效益

第四章 研究

第四節：本科各職員一律任定就職後即由本會事務所訂期集合各員組織調查

員研究會專事研究執行職務方略其研究之宗旨及範圍略述如左

(一) 關於各處農工商界及諸實業團體勸導聯絡之方法

(二) 關於各屬物產會及各省出品協會組織進行之方法

(三) 關於各處產出品工藝品一切集合運輸之方法

(四) 關於嚮來地文物產以暨此次設會出品一切調查報告之方法

第五章 出發期

第五節 本科研究會畢後即為調查員第一次出發期凡分任相距較遠交通不便各屬之調查員以暨各外省之調查員均須按期出發其餘各員視所任地方之遠近與旅程之難易以次分期出發惟出發最後期以各屬物產會開會期前二月為止屆期不得再有延緩

第六節 本科各職員於本事務所分任之調查區域及出發期已定後如屆期不能出發者務須於期前半月述明事由呈請解任以便本事務所另遴員續任否則一

屆該員應行出發之期除實有臨時不測之事故外無論如何不得延緩出發。

第六章 報告

第七節 本科各員自屆期出發實行調查後各以在本會出發之期日起計算每歷七日(即一星期)例須報告一次由各該員按期聲明地方號次日期郵寄本會事務所本科科長彙交本會以資核閱除遇有特別障礙不得不暫行停緩外其餘無論如何均不得稍有間斷延緩遲滯

第八節 本科各員實行調查後其報告程式約分三種略舉如左

(甲) 報告書 關於調查聯絡等事用之

(乙) 報告冊 關於各處會務組織與開閉日期集合方法等事用之

(丙) 報告表 關於各處地文物產調查要項與甄別等級等事用之

第九節 以上程式三種均於本科科員研究會時共同議訂格式交本會照式刊印分給各員按式填錄具報以資簡便而期畫一

第七章 費用

第十節 本科各員屆期出發實行調查後所需川資費用一切約分四項茲列於左

(一) 川資 自本省出發起以至該員所任調查之地止及自該地復回本省往來所需旅行之費屬此

(二) 旅費 在該調查地每日所需食宿零用種種之費屬此

(三) 交際費

(四) 行動費

第十一節 以上各費每類所需數目均於本科科員研究會時共同按照調查區域及出發時期分別規定定額屆期由本會事務所按照發給各員隨帶出發摺節動支無論如何不得有逾定額之外以期覈實而免虛糜

第十二節 本會事務所爲對於此項調查費用支報便易起見特刊印調查費用紀數專簿一種給由各員隨帶出發以便隨時登記凡各員逐日費用數目除由各員逐日記錄并按項分結抄報外一至調查事畢各員即將此項專簿繳呈本所以便彙結造報咨請核銷

第八章 任期

第十三節 本科自科長以次各職員均以任定就職之日起爲任事期至調查事畢本會開會之日止爲解任期各員於解任後或續任或變更他職臨時定奪

第九章 餘則

第十四節 以上各節爲本會事務所議訂本所執行章程草案此外如有未盡事宜均俟本科研究會成立後公同集議改定至本科實行調查以後倘於本章各條有障礙窒漏之處者凡爲本科職員均可叙明事實理由提議增損以期完善

附調查方法

調查員出發後至調查處所着手辦法分條列左

一 調查員出發後攜帶公文(卽委任地方官爲物產會監督之札)到該地方先行呈遞

二 晉謁地方官說明勸業宗旨辦法及本官與地方之利益

三 請地方官開單延請本地熱心公益之紳商

四拜謁本地熱心公益（如農商教育各會勸學所自治局及商業上固有機關之各董事大商號主任工場執事及他項公共團體職員等）之紳商

五會同地方官紳擇期開談話會先行說明本會利益宗旨辦法及物產會應辦之理由并由官紳辦事周善之獎勵（開會時將所有章程草案各件按人分致一份）

六擇本地紳商熱心公益之最者極力聯絡多人擔任勸導以資組織

七會同地方官開明紳商姓氏職業二三人由事務所呈請商憲委任爲物產會創立委員并開明協贊會員姓氏由本所另行照會

八調查員之注意事項列左

（甲）演說之預備大要如下

（子）本會各案及章程先行詳記

（丑）於本會所刊演說稿外須發生新意以鼓聽聞

（乙）對於地方官紳商學各界以謙和爲主

（丙）如各地紳商對於本會宗旨辦法利益不甚明瞭者如有質問應不厭其煩

以詳答之

(丁) 本地方公共團體或官紳各界如彼此辦事致生意見者應設法調和以圖公益

九會同地方官紳召集地方紳商學各界擇期開物產會及出品協會創立正式會

十商同地方官紳農工商學各界組織物產會及出品協會事務所

十一各地方物產會協贊會如於調查未至之先已經成立倘該會辦法有未盡是之處應商同地方官紳設法改良

十二物產會協贊會自開創立會後商同創立委員及出品協會會員預定辦事日程以便按時執行並須限定物產會出品協會成立之期

十三調查各地方物產須從詳細凡關於地方土產及製造者雖至纖微必須羅列不可遺漏按照本事務所所訂物產調查表分別詳填

十四調查員義務期限均以到調查處所起算分列如左

(甲) 兩江各屬以四箇月爲限

(乙) 交通便利之各省以五箇月爲限

(丙) 各大商埠以五箇月爲限

(丁) 南洋羣島以六箇月爲限

十五組織各地方通信機關

十六凡調查員所用名稱無論特別及普通調查員一律定爲南洋勸業會調查員

十七凡調查員行動須在本所規定章程以內望勿干預他事

以上各條均係草訂如有未盡妥洽之處由調查員隨時相度該地方情形酌量增減

附表式如左

事務所代擬各屬物產會通用細則

第一章 總則

第一條 本勸業會事務所前經詳訂各屬物產會簡章十二條規定大要茲特增訂通用細則分布各屬以資依據

事務所代擬各屬物產會通用細則

第二條 凡各屬物產會如有一府不能獨辦者可酌量情形聯合二府或三府合辦
惟須預先通告本勸業會事務所

第三條 凡各屬物產會開會之期除江甯蘇州兩府限於八月開會外其餘各屬本
所分定舉辦月份另表列左如有特別事故不能按辦期舉者須將改定之期先行
詳報本勸業會事務所

月份	省別
八月	江甯 鎮江 蘇州 常州
九月	松江 揚州 淮安 海門 通州
十月	太倉州 徐州 海州
十一月	
八月	安徽各屬 安慶 徽州
九月	太平 甯國 池州 和州 鳳陽
十月	廬州 潁州 滁州
十一月	
八月	江西各屬 南昌
九月	九江 袁州 撫州 甯都州
十月	南康 吉安 瑞州 饒州
十一月	建昌 廣信 臨江 南安 贛州

第二章 組織

第四條 各屬物產會先期由本勸業會事務所呈請 商憲每府委一人或二人三人爲物產會創立委員會同地方官及商會公共團體籌備一切

第五條 各屬物產會得置監督一人副監督一人或二三人監督卽以地方官充之副監督以創立委員或地方公舉之士紳充之

但臨時視地方之情形有宜置總協理者可不置副監督卽置總理一人協理二人惟須先期通告本事務所

第六條 凡各屬物產會審查長及審查員屆時均由本勸業會事務所呈請 南洋商憲委派

第七條 凡物產會監督及副監督以下得置文牘科會計科陳列科庶務科及評議員若干人所掌事務分別列左

文牘科

一關於撰擬規章事項

事務所代擬各屬物產會通用綱則

二關於撰擬公牘事項

三關於編纂報告事項

四關於擬定儀式事項

會計科

一關於經費預算決算及收支事項

二關於購置物品事項

三關於傭僱夫役并稽查勤惰事項

四關於閉會後不用品賣出事項

陳列科

一關於催促出品及陳列出品事項

二關於整理陳列場內事項

三關於出品搬運事項

四關於稽察看守人事項

庶務科

- 一 關於會場設備事項
- 二 關於商店租地事項
- 三 關於會外招待事項
- 四 關於場內整理掃除事項
- 五 關於文牘收發事項
- 六 關於各科所不屬事項

評議員若干人應組織評議員會其組織方法及權限由該會臨時議定

第三章 出品

- 第八條 凡出品須按照本會宗旨以有益實用之品爲主不必矜奇炫異徒取觀美
- 第九條 凡出品人須將出品逐件繫以說明書以便審查惟書中所述事項務宜覈實不得誇張

(附)說明書式

事務所代擬各屬物產會通用細則

天產品說明書

部	類	號數	品名	出品人	姓名
				職業	
				住所	

產出地方

(詳記產出之府廳州縣都團地名等及土地之肥瘠燥濕)

種植及採取

(詳記播種移植挿接收穫採伐之方法季節等)

養護

(詳記肥料之種類及其養護之法)

價目用途及銷路

(詳記該品之價目用途及銷行地方如銷外國尤宜詳載)

產額

(詳記每品每年產額)

褒賞

(詳記會否得有褒獎)

附記

(詳記其出品之特點如擴張銷路改良品質增加產額減少產費等項)

製造品說明書

部	類	號數	品名	出品人	姓名
				職業	
				住所	

製造地方

(詳記製造場所所在之府廳州縣都團地名等并其工場之大小)

原料

(詳記製造需要之原料及其產地)

製造器具

(汽機或手工具)

事務所代擬各屬物產會通用規則

製造方法

(詳記製造之次第方法及本人關於該出品之經驗)

沿革

(詳記開業之年月及其經過事實)

用途量數價目及銷路

(詳記該品用途每年製造之數量價目及銷行地方如銷外國尤宜詳載)

褒賞

(同前)

附記

(同前)

動物說明書

部	類	號數	品名	出品人	姓名
				職業	住所

出產地方

(詳記產出之府廳州縣都團地名等)

年齒及種類

(詳記養育之年月及其種類統系等)

飼料

(詳記飼料之種類分量及其養育之器具裝置等)

用途價目數量及銷路

(同前)

沿革

(同前)

褒賞

(同前)

附記

事務所代辦各屬物產會通用細則

(同前)

礦物說明書

部	類	號數	品名	出品人	姓名
				住所	職業

產出地方

(詳記產出之省府廳州縣都團地名等及其發見之概畧)

地質鑛脈及鑛石

(詳記地質鑛脈之性質脈路傾斜度數主鑛母岩俗名鑛挾副鑛及鑛區之面積如

爲非金屬則記其現在之狀態如炭鑛及硫黃鑛等應將現在測得之概畧一

一記明)

開採方法

(詳記開採之方法鑛窿內外之裝置及所用人工機器等)

提煉方法

(詳記乾燥或濕煉及其方法次第裝置并所用人工機器等)

運輸方法

(詳記由鑛山運至市場之方法)

用途價目數量及銷路

(同前)

沿革

(同前)

褒賞

(同前)

附記

(同前)

機器說明書

事務近代各品物產會通用規則

	部	類	號數	品名	出品人	姓名
					住所	職業

製造地方

(同前)

構造及元質

(詳記構造之次第方法及構成各部之材料元質)

原動力及用法

(詳記原動力之種類及運轉所需之動力使用方法等)

效用

(詳記使用之目的及使用時所得之效驗等)

沿革

(同前)

褒賞

(同前)

附記

(同前須附圖案)

美術品說明書

部	類	號數	品名	出品人	姓名
				住所	職業

材料及製作方法

(詳記材料之品類及其製作之次第方法)

沿革

(詳記派別及其師傳等)

褒賞

(同前)

附記

事務所代擬各屬物産會通用細則

(同前如有須特別注明者均載此條)

教育品說明書

部	類	號數	品名	出品人	姓名
				職業	
				住所	

材料及製作方法

(詳記材料之品類及其製作之次第方法)

用途價目量數

(同前)

褒賞

(同前)

附記

(同前如有須特別注明者均載此條)

第十條 凡出品之量數另定限制如左惟特別物品不在此限

一以量計者每品以一升至十斗爲率

一以斤計者每品以一斤至十斤爲率

一以件計者每品以一件至五件爲率

一以打計者每品以一打至三打爲率

一以套計者每品以一套至三套爲率

第十一條 凡出品人須於出品上另附浮簽標明品名量數價值等項其格式載物

產會簡章第七條

第十二條 凡陳列品於開會期內非得物產會事務所許可不得遷移

第十三條 凡陳列品有腐敗融解及物產會事務所認爲有害他物者可臨時命其

搬出以同種之物品列入

第十四條 凡陳列品須於場外解卸裝箱方許搬入陳列

第十五條 凡出品人於其陳列地段務須常時洒掃不得任其污穢違者議罰

第十六條 凡陳列品之搬入搬出及出品人之出入會場均須得物產會事務所許

可

第十七條 凡出品或為非賣品或為賣品除非賣品不計外其陳列品賣定後另貼

浮籤其式如左

品賣已
S O I d

第十八條 凡已經賣定之陳列品不得搬出會場俟閉會後另以指定地方交付
 第十九條 凡已賣定之品每三日須彙報物產會事務所一次其報告表式列左

第 部賣定物品報告表		類 別	量 數	價 格
買 者	本國人			

第二十條 凡已陳列之品不得變更如有必須變更時當報明物產會事務所

第二十一條 凡出品限於物產會開會之前二十日送到會場惟臨時出品可於開

會時搬入

第二十二條 凡陳列品所附售之器具均須將價值列明如不列明買者不另給費

第二十三條 凡出品人如出品有遺失時須詳細報告物產會事務所以便追取

第四章 守護

第二十四條 凡各屬物產會應雇用看守人每日看守會場陳列各品并司稽查會

場門禁按時啓閉等事

第二十五條 凡看守人每日於開會場前一時臨場閉會後除值宿人外非參觀人

確已散盡不許退場

第二十六條 凡看守人衣飾姿勢均宜端正整齊不許縱談喧笑并不許向游覽人

稍失禮貌

第二十七條 凡看守人每日臨場須各在姓名簿上畫到倘遇有不得已事故不能

臨場者須預向該會事務所聲明

第二十八條 凡看守人必須輪班值宿

第二十九條 凡會場出入門及陳列廚架各鎖鑰於每日散會時由看守人交該會

事務所收管惟留一出入門鑰交值宿人

第三十條 凡場內掃除限開場三十分鐘前一律清潔

第三十一條 看守人之多少以會場之廣狹酌量分配

第三十二條 凡遇有恃強入場及爲他不穩之舉動者可隨時陳明該會事務所並

一面通報警察

第三十三條 凡參觀人須由正門入門入時將入場券交看守人驗收

第三十四條 凡入場券驗收後俱納入券箱中俟閉館後檢清收券若干送至事務

所其有優待券特別券及佩帶徽章隨意入場之人員數目均於閉館後一律報明

第三十五條 凡會場內搬出物品須交看守人檢查如有特別證券者不在此限

第三十六條 凡充當看守人者須覓保證人另照式簽字其保人須往會場附近地

方者方爲合格

第五章 參觀

第三十七條 凡參觀人於午前八時至午後四時均可隨時入場參觀其關閉時刻均搖鈴報知但遇有臨時停止入場之事參觀人不得違抗

第三十八條 凡參觀人攜有本會所贈優待券及特別入場券者俱準不另購券入場否則須另購入場券惟七歲以下之兒童免購

第三十九條 凡參觀人如看守人認爲瘋癲醉狂恐有妨礙會場一切者雖攜有入場券可拒勿令入即已入場者亦可勒令退出

第四十條 凡至陳列館內及其附近等處不准吸煙

第四十一條 凡參觀人非得看守人允許不得擅動陳列物品

第四十二條 凡參觀人非得陳列人及該會事務所允許不得將陳列物品拍照或摹寫

第四十三條 凡參觀人如買定陳列品均須俟閉會後方許搬運出場

第四十四條 凡損毀陳列品及裝飾品者須遵該會事務所指示以相當價值賠償

第六章 餘則

第四十五條 第一章總則內規定有未完備處可參照本勸業會事務所詳訂各屬

物產會簡章辦理如簡章中尚有未明晰之處隨時函詢本勸業會事務所再行斟酌如已酌量更改應即報告本勸業會事務所

第四十六條 第二章組織內係規定大略如地方情形有不能適用之處亦得隨時

變通

第四十七條 凡出品分類之法前頒簡章僅叙大要其詳細方法已見本勸業會總

章中各屬物產會均須參照總章分類以期劃一

第四十八條 凡守護參觀等規則可分別謄寫或印刷分布會場以便遵守

第四十九條 如本規則有遺漏窒礙之處可參攷本勸業會各項章程及歐美日本

各博覽會章程另行詳訂

事務所詳訂本會會場內參考館規則

第一條 本會經南洋大臣端奏准於宣統二年四月初一日開會（西歷二千年

月 號）八月三十日開會（西歷二千年 月 號）

第二條 本館設在南京城北南洋第一次勸業會場內陳列各國採取產出及製造

各品以資參考

第三條 本參考館面積計壹百五十方丈專為陳各國出品之用

第四條 凡各國官廳及臣民其出品專為參考而來者本館概不取租賃費

第五條 凡出品於本館者限於宣統元年九月二十日以前照左列書式繕成出品

願書呈於本會事務所

出品願書

號	數品	名量	數陳列容積產	地製產人名	價	目賣品或非賣品

右列出品情願遵守貴會一切規則陳列於參考館特此陳明

宣統 年 月 日

住 所
姓 名

第六條 出品願書須將關於出品之詳細說明書附呈

出品如爲機器須將圖樣附入出願書後

館內如有須機器運轉者須將所須馬力附記於出品願書後

第七條 凡受出品之許可者限於宣統二年正月二十日至二月三十日以內搬於

館內陳列

第八條 凡因出品之種類及狀態或有不能陳列於館內者得陳列於館外惟須受

事務所之許可

第九條 陳列廚架陳列飾臺及陳列用之器具均歸出品人設備

第十條 出品人爲陳列裝飾而事工作者須先得本事務所之許可

第十一條 出品之裝置費及往復運費均歸出品人担負

第十二條 運轉機器及由運轉機器所製成之物品以供公衆之觀覽者其運轉說

明等事須出品人自任

第十三條 陳列品之賣出約定後均歸出品人自任交涉除示機器效用所製出之

物品外非得事務所之許可於開館期中不得搬出於館外

第十四條 出品限於閉館後五十日以內搬出如有在所定期間內不搬出者其出

品則歸本會所有

第十五條 本會事務所對於出品之遺失及損害一切不任其責惟關於豫防等事

必爲相當之設備

第十六條 事務所對於出品之攝影摹繪及刷印出品人不得拒絕

第十七條 非得出品人之承認及事務所之許可不得攝影及摹繪各陳列品

第十八條 本會認爲有益之出品人以名譽證書以示褒美

第十九條 凡出品人均須遵守本會一切規則及服從事務所命令

事務所擬訂各省於會場內建設別館規則

事務所詳訂本會會場內參考館規則

一本會除自建各館外會場內另留地一百畝專備各省建設別館陳列各省官有物品及特別出品即顏曰某某省別館

二建設別館其地租照本會租賃章程格外減輕每方丈每月收租價壹元以表歡迎
三凡建設別館需用地段之大小位置及建築式樣須先期向事務所商定（本事務所設在南京花牌樓文昌巷）

四凡建設別館須於六月三十日以前通告本事務所

五凡建設別館於閉會後不願拆者先期向本事務所聲明另訂特別契約

六凡別館內一切陳列廚架裝飾等費均歸各省自備

七凡館內看護人除本會一律分派外所有重要物品須自派專員管理

八凡各省建設別館均須遵守本會規則以昭畫一

事務所詳訂會場內租賃規則

第一條 凡中國人爲營利起見願在本會會場內開設各項商店及遊戲館院飲食店舖者得租借場內地段辦理惟須於宣統元年九月三十日以前向本事務所訂

立租賃契約方能作準

第二條 凡願租借本會會場地段者宜先期開具願書將租地面積經營事項及建築圖樣詳細載明呈請本事務所訂定

(附)願書式

係	省	府	州人向在	地方開設	舖為業今願在
南洋第一次勸業會會場內租借			<small>縣</small>		<small>場</small>
等地				方丈為自	之用茲特遵照
貴會租賃規則第二條繕具願書呈請指給除附黏建築圖樣外所具願書是實				<small>搭</small>	
南洋第一次勸業會事務所鑒存					
宣統	年	月	日	具	
					現居
					地方

第三條 凡願租本會會場地段者既受本事務所之許可須即另覓妥保同至本事務所訂立租賃契約

事務所詳訂會場內租賃規則

(附)租賃契約式

立契約人

係 省 府

州人向在

地方開設

場舖為業今承

南洋第一次勸業會事務所指給會場

等地

方丈為自建搭

為開設

場之用議定每 地租價 元 角情願遵守

貴會一切規約除到場開工之日應行照章預繳地租全數外立此租賃契約存

照

南洋第一次勸業會事務所鑒存

宣 統 年 月 日 立

保證人

保證人現住

地方

第四條 凡租賃人應納地租按會場地段分為五等以方丈計算地租概收大洋如

有奇零數目則用四捨五入法計算

一等地每日每方丈大洋二角

二等地 每日每方丈大洋壹角陸分

三等地 每日每方丈大洋壹角二分

四等地 每日每方丈大洋捌分

五等地 每日每方丈大洋肆分

第五條 凡租金自本會開會之日起算至閉會之日止須於在場開工之前一律預繳

第六條 凡出品人於場內開設商店者如出賣之品與本會會場陳列之品相同其地租減收半價以示優待惟地址面積須由本事務所指給

第七條 凡租賃人在所租地段建築房屋須本人所委托之代理人常在場內管理工作惟代理人之姓名須報明本事務所

第八條 凡建築房屋如與原呈圖樣有所變更及一切裝飾等須受本事務所之許可

第九條 凡建築房屋限於本會開會期十五日以前竣工閉會後二十日以內拆去

惟竣工及拆去之時須受本事務所檢查如二十日以外不遵章拆去者本事務所
有代爲拆卸之權

第十條 凡租賃人在會場內所建房屋於閉會後不願拆去者須於訂立租賃契約
時申明另訂專約辦理其所須地段面積由本事務所指給

第十一條 凡租地人如轉租與他人或用本人名義與他人共同營業須報由本事
務所許可

第十二條 凡租賃人所設商店須將貨物價目逐件籤明其不便籤明之物另立價
目表懸挂衆人易見之處

第十三條 除租賃人及租賃人所僱用之看守人外不得在場內歇宿

第十四條 凡租賃人於所租地段周圍須洒掃清潔違者酌罰

第十五條 凡租賃人賣出之物須將種類價目量數每星期報告事務所一次

第十六條 凡開會期內如租地人自願歇業須受本事務所之許可

第十七條 凡租地人違背本會規則時本事務所得勒令歇業其預繳之租金概不

退還

第十八條 凡經本事務所勒令歇業者其所建房屋在開會期內由本事務所另行招人租住本人不得抗拒亦不得向租住人別徵租金本會閉會後由本事務所將房屋交還本人照章拆卸

第十九條 凡已開具租地願書於宣統元年八月三十日以前不來本事務所訂立契約或訂定契約後三箇月內尙不開工建築或至開會十日以內不來陳設者卽將原議契約作廢其已建之屋援照本規則第十八條辦理

第二十條 凡本規則如有增損變更之處臨時由本事務所公布遵照辦理

事務所代訂各省出品協會章程草案

(一)緣起 南洋第一次勸業會業經奏明以宣統二年四月朔日爲開會期惟中國地大物博傳集匪易且各地方農工商等業向無集會陳賽專法有不得不先事籌備分地集合以期完善周密者現除南洋直轄之蘇皖贛三省已由本所參仿日本共進會辦法詳訂各府屬物產會章程通飭本年分期舉行外本所特復代訂此項

事務所詳訂會場內租賃規則

出品協會章程以爲其餘各省及各著名實業（如茶業絲業等）依照各國賽會組織協會辦法各於省城及著名商埠所在組織出品協會以便彙集物品定期展覽及轉運陳賽之用

(二)定名 此次出品協會應由各省各大商埠組織者由 南洋大臣咨請各省長官督同地方紳商辦理即名曰地方出品協會（如湖南則名湖南出品協會上海則名上海出品協會）其各大著名實業如在南洋管轄境內者由 南洋大臣札飭該業舉辦如在境外者則由 南洋大臣咨照該地方長官轉飭該業舉辦其名即定爲某業出品協會（如茶業則定爲茶業出品協會絲業則定爲絲業出品協會餘以類進）

(三)組織 內部組織一切均由各省各業自行裁定以期切合情勢其大概應設各職略定如左

(一)監督(二)總理(三)協理(四)書記(五)會計幹事(六)庶務幹事(七)陳列幹事(八)評議員(九)臨時職員 以上各員以事務之繁簡定人數之多寡

(四)區域 凡各省會及著名商埠或該地有著名大實業者均可組織出品協會其

餘或一二府屬或十數府屬如物產豐富另自組立該會者亦可各視情勢所宜酌量增設惟均須於事先報知該省地方長官轉告本所或直接通告本所以便查考

(五)會所及會場 凡該會籌備一切事宜應設之事務所即設於各該省之商會局所或勸業道署內如為各專業所組織之出品協會則設於該業之公所內以期事權可以合一而費用復可節省至該會出品剋期彙集之後當即由該會另行擇借公所祠宇等合宜之地布置會場以資該會開展覽會之用

(六)會用 凡該會關於會務之籌備組織與出品蒐集展覽轉運之一切費用均由各省各業分別設法籌措擔任至其用額之多寡則各視其地出品之豐瘡與道路之難易為衡

(七)彙集 該協會自成立後凡為該會區以內應隸之各屬地方所有著名之天產工藝一切物品均應剋期分類蒐集以資完備

(八)陳列 該會出品彙集齊備後即由該會職員等督同該會之各出品人一律搬

運入場分類依次陳列至其分類之法另以清單說明（此項分類清單照本會總章附注）

（九）標注 該會出品分類陳列後并即於各類出品之次附黏浮簽標明該出品之名類量數價值產地一切以資考究其標簽爲正背兩面式預由本事務所按式刊印發由該會職員按照各出品人所具說明書中所述種種最要填入以資畫一所有標簽正背兩式附錄如左

面 正

號 ○ 第						
部 ○ ○			品 ○ ○ ○			
○ ○ 省出品協會	宣統	姓名	製造	產地	價值	量數
	年 月 日					
						品名

面 背

說略	地方	運銷	銷額	每年	產額	每年
						效用

(十) 展覽 該會自成立後一面將各種出品分類蒐集依法陳列一面即須先事訂期通告本會所隸之各處擇地舉行出品展覽會屆期開會任人游觀以資研究惟此項展覽會期至多以兩月爲度不得過事延長致碍運賽

(十一) 審查 該會出品展覽期中凡於各類出品良楛美惡高下進退一切必須有備具專門學識而富於經驗者爲之審查第分等級分別報告本事務所惟此項審查員或卽由該協會自行舉派或仍由本事務所遴員酌派屆時再由本所籌議定奪先期通告各會

(十二) 轉運 該會出品審查已畢展覽閉會後由各會職員相察道路遠近按照本事務所所訂轉運規則分別起手轉運尅期至南京勸業會場以備陳列與賽

(十三) 附則 (甲) 以上各條係本事務所代訂出品協會之大略辦法其餘一切未盡事宜均俟各省各埠或各業實行組織時相時度勢酌量增損改訂惟改訂後須報明本事務所至於通用細則可參攷本會各項章程及物產會通用細則臨時酌定 (乙) 該會名義雖爲贊助南洋勸業會而設其實効力所至仍於本省農工商

學各界事業關係較切利益較宏且一切農工商會陳列習藝等所亦可因此組織惟望各省官紳視爲切己之圖切實舉辦並希隨時隨事賜示一切以匡不逮

南京勸業協贊會成立記事

陳子礪學使王少延觀察陶樸青觀察等二十餘人爲南洋勸業會發起南京協贊會特於三月二十一日先就勸業會事務所開發起員研究會研究開會辦法嗣擇定於二十七日假復成橋商會開南京協贊大會是日午後二時三刻開會會場設大體操場四面圍以布棚官紳商學軍警各界到會者約千餘人演說如勸業會副會長陳學使勸業會參議商務局總辦王觀察坐辦陳觀察均剴切動聽次幫辦向淑予君宣布協贊會章程次坐辦推舉南京協贊會總協理計協理七人（李君梅庵蘇君巖宗仇君萊之伍君蘭孫宋君雨棠孫君少江嚴君月波）總理一人（仇君萊之）次坐辦提議設南京協贊會事務所原議獨立因無經費決議暫設花牌樓勸業會事務所內次坐辦提議協贊會應辦事件次請來賓演說當有柳君翼謀登臺略謂協贊會非協贊督撫乃協贊自已陶君錫三繼之極言會場設於江甯江甯人有優厚之權利不

可不負先驅之義務。衆皆鼓掌稱善。時已五句鐘。全體攝影。以爲紀念。遂搖鈴散會。

上海實業界招待會記事

四月初四日。南洋勸業會事務所坐辦陳蘭薰觀察及幫辦向君并文牘庶務兩科職員數人。由甯來滬。先期由上董事會函約上海協贊會總協理及董事諸公三四十人。在董事會事務所會議。是日午後三時開議。先由周金箴君述集議緣起。次陳坐辦報告南京事務所籌備進行大概。并論上海當速設出品協會。大旨謂世界大商埠。上海居第七。其位置最尊榮。亦最危險。中土物產。號三十七萬種。而全爲外人所利用。我爲原料國。彼爲製造國。所以劣敗者在此。上海人能組織完善之出品協會。不獨令南洋勸業生色。中國有由原料國進於製造國之希望。卽上海一埠。亦可於二十世紀。生計界占一強固之位置。云云。次宣布出品協會章程。及協贊會事務所細目。次由副會長鄭蘇戡京卿及坐辦陳蘭薰觀察。相繼提議事件。計議決四事。

(一) 公推上海協贊會總理李平書君與各協理組織上海出品協會。定於本月初七日在四馬路中國品物陳列所另議辦法。

(二) 本月初六日另開董事會。議決會場工程投標辦法。

(三) 會場內應設自來水電燈公司。由南京事務所擬章寄滬分布招商承辦。

(四) 會場應設轉運公司。由上海董事會及協贊會擔任組織。

五時議畢散會。是日鄭蘇戴京卿論出品協會與物產會辦理之好壞。不繫於物品之優劣。而繫於組織之完缺。但能組織完備。使一地方之物產。何者為優。何者為劣。何者當推廣。何者當改良。一展覽間無不了。即為最好之出品。協會非必所出之品。能壓倒全會場。乃為滿足云云。此論最為通達。特揭於此。以為凡辦出品協會及物產會者告。

江蘇全體議員招待會記事

四月廿七日南洋勸業會事務所執事諸君。乘江蘇全體議員初次到甯。特開招待會於復成橋之商園。以表歡迎之意。先一日由幫辦向淑予君親赴諮議局研究會。面請全體議員蒞會。會場派庶務科長張君舜琴副科長李君華旌陳設一切。畧做各國議會式。上午九時全體議員齊到。搖鈴入會。首由事務所坐辦陳蘭薰君述歡迎詞。其演

題爲江蘇議員與南洋勸業會。次由幫辦向淑予君報告南洋勸業會經營之大略。次由出品科長沈芭舫君演說中國勸業會發生之必要種種論理。足動聽聞。繼則有調查科長陶賓南君。文牘科長江小樓君。調查科副科長凌植支君。挨次演說勸業會對於吾國社會舊有之心理。或懇請諸議員輔助物產會之進行。語皆沉摯。事務所職員演說畢。各議員公推代表楊千里君及屠元博君登席致答謝詞。未復經張季直君代全體議員答謝招待會盛意。並述勸業會之前途與諮議局同一冒險。惟今日之事。不冒險。終無出險之日。是在吾人苦冒此險而已。時已一句鐘。乃由陳坐辦搖鈴閉會。全體攝影以爲紀念。復邀各議員至招待室茶點畢。并以日本小戲爲餘興。說者謂我中國之有勸業會。固自今始。而我中國之有議員。亦自今始。今以勸業會招待議員。而各議員皆求贊助勸業會之進行。則我中國政治界與實業界已得聯合之機關。而國民之生計問題。亦或有發展之希望矣。

會場建築舉行開工式記事

五月十八日爲勸業會會場建築開工及江南公園內綠筠花園落成之期。先日由勸

業會事務所坐辦兼公園總辦陳蘭薰觀察及全體職員東請陶帥戾止。並爲陶帥餞別。是日上午十一時陶帥冒雨蒞會。行開工禮。躬持畚鍤。築十三次。觀者如堵。旋至綠筠花園行落成禮。清軍帥樊護帥以下各當道。紳商學各界來賓。上海董事會及蘇滬常鎮無錫宜興等處物產會出品協會各代表。先後到會。凡百數十人。午後一時就席。酒三巡。陶帥舉箸叩漿。起而演說。其詞沈毅透澈。衆皆奮發。最緊要處。如謂辦事必以堅忍行之。乃能有始有卒。又謂勸業會所以救亡軍事爲臨時之戰。爭實業爲永久之戰。爭兵戰十敗。猶可圖存商戰一敗。斷難立國。（衆拍掌）欲討軍實。二十年之後。方能收效。欲振實業。則大辦。大效。小辦。小效。其利益捷如影響。各國賽會。皆由地方而國家。而世界。中國賽會。今方發軔。萬一蹙敗。何能更圖其大。（衆拍掌）抵制外人空言。不如實力。實力之抵制。惟在勸業會。（衆拍掌）並謂此次入覲。當竭誠面奏。辦事必更得手。繼由樊護帥演說。畧謂勸業會爲國家應行之事。帥去而此會決不與之俱去。辦事者萬一鬆懈。非徒負帥。亦且負國家。（衆拍掌）誰非臣子。誰無天良。豈以帥之去。留分其勤惰。（衆拍掌）其語尤沈摯者。謂帥之堅苦。不佞所目覩。紳商之奮勵。

亦不佞所目覩。不佞何必而忍聽其墮敗不加扶翼乎。不佞護院耳。對於此會亦當實做一護字。（拍掌之聲激座）陶帥樊帥均極言安帥辦事。閔通篤實。勸業會國計之大本。必能益求完備。竭力圖成。可爲勸業會前途賀。樊護帥又謂諸君辦事。當愈孟晉。不負陶帥於前。尤當不負安帥於後。（衆拍掌）已而陳坐辦代表勸業會事務所職員及各省各埠物產會出品協會宣讀誦詞。次周金箴君代表上海董事會演說大畧。謂董事會努力於公未去之前。益當努力於公既去之後。帥不負國。商人何忍負帥。（衆拍掌）又謂明降 諭旨及免稅免釐二節。帥北上。商人可信其必成等語。旋由坐辦請衆就席。休憩用膳。而坐辦離席報告過去及現在之辦事情形。並謂勸業會之作用。等于科舉教育之考試。軍事教育之校閱。而範圍之宏大過之。又謂勸業會爲國家之大典。平和之外交。又謂本事務所辦事。按月按日。均有定程。望各地物產會出品協會均循此例。以免稽遲。次由幫辦向淑予君演說。謂本會爲公司組織。不獨與各局所辦法不同。且與各國賽會辦法亦有出入。辦事以信用爲甲冑。本所于會計一科。以銀錢簿記採辦分爲三部。管理用各國最新之法。簿記採各國最新之式。以期不失商

辦性質。又云現世各國趨勢注重於經濟。故爲政治家者必具有大經濟家之智識。我國政治家提倡立憲。然非數十條憲法可以成耳。其最要者在有責任內閣及民選議院。我國政治家多缺乏經濟智識。然鞏固國民經濟基礎賽會其最要者。而賽會之成立也在出品豐富與慎重審查。今言憲政則條文尙未發布。言賽會則明發上諭及組織審查部尙未做到。是不能不望上下之負責任者云云。其言援引中西歷史發抒新理。極爲動聽。又有金彭年君代表蘇州府物產會報告進行辦法。蔣遇春君代表常州府物產會演說。謂帥之大惠。首被乎學。次及乎商。其餘崇論宏議。不可勝載。均與拍掌聲相聞。已而陶帥舉觥作別。衆亦起答。復放東洋燄火。以助餘興。席竟攝影。四時餘陶帥與會諸君依依而別。

開辦上海勸業協贊會演說稿

陳琪

今日以南洋勸業會上海協贊會成立。辱會員諸君子臨貺。甚盛甚盛。琪於南洋勸業會發生之理由。有不得不爲諸君述者。中國農國也。江河襟帶沃野千里。爲全球冠而不能以農立國者。何以故。中國工國也。工藝之精巧。工價之低廉。繒帛陶冶。雕鏤髹漆。

之業爲全球冠而不能以工立國者何以故中國商國也商埠之多商法之完亦幾爲全球冠而不能以商立國者又何以故天賦中國以完全之農工商資格而吾人顧茫然自立於農工商競爭場之外致使碧眼黃毛之倫得以乘瑕蹈隙扼吭而制其生死其品美其值廉人情厭故而喜新樂精雅而惡窳陋則欣欣趨之於商埠於省會於城於鄉奔騰澎湃所至而無底止日掠吾有限之金錢向無涯之太平洋太平洋以去金錢者吾人第二之空氣空氣奪者生命絕金錢奪者生計絕而生命亦絕有心人知其必至是也大聲疾呼以抗之華工問題嘗抗美貨矣西江問題嘗抗英貨矣閩島問題又嘗議抗日貨矣抗矣或不成成矣而責言至官符下有烟消獸散焉耳即不然抗之者百十人迎之者千萬人猶之不抗也即不然此千萬人者偶覩於公論而不敢違朝晝而夕翻議猶之不抗也其敝足以拱與國之感情示吾民之不廣而於救死無當焉迎焉而不可抗焉而不可琪謂吾國之所以進退維谷至此極者以不能自改進其農工商也農工商之不能改進以無比較之場所競爭之機關也比較之場所競爭之機關於何求之求之於勸業會而已矣

夫其學淺識淺。何能言二十世紀之勸業會。願嘗四閱外國賽會。如日之大阪。法之巴黎。美之聖路易。意之迷迷廐。其會場之瑰麗完邃。萬語不能罄。而其最射琪之神經。至於永永不能忘者。莫如會場中太倉梯米。黯淡無色之中國陳列。所國人既乏賽會上之知識。或往往委其事於外人。精粗雜陳。蕃然無紀。遺其可愛而責其可羞。使外人眼簾中永永懸此影象。以爲中國物產全體之代表。琪常憤惋太息。意以中國之大必有。抉此外人眼簾中。部障之一日。諸君如欲抉此部障。一暴吾國之真面目。舍勸業會而何由乎。

外國賽會種類至繁。爲地方勸業會。爲內國勸業博覽會。此總合物產之全體者也。言其分者。則一切工藝技術。無一不有賽會。至近年且有舉行猫犬等賽會者。而賽會之起源。在去今百餘年。並西歷千七百九十八年。巴黎開第一次工藝賽會。英則於一千八百五十一年。始開會於禮普魯宮中。俄之賽會。於千八百二十九年。開會聖彼得堡。其後諸國。廣續比賽。商業遂盛。美以紐約爲開會之起點。自東而西。市況之增進。隨之。日本明治十年。大久保於經濟困難中。經營第一次勸業博覽會。今日歷開至五次。而

進於萬國博覽會之準備。宜乎日本商品。騰湧於東亞大陸。莫之能禦也。西國賽會。不獨用以振興實業。且資爲殖民之方畧。攷西人足跡。之至南洋羣島。後於中國人。遠甚。然而今則西人儼然握島上之主權者。以就地舉行博覽會。因是組織各項公司。使全埠商務歸其掌握也。

美前總統美尼堅之言曰。勸業會者。全國之大鐘表。吾民因時進步之徵候也。聖路易盲啞學校校長亦言勸業會者。全國之大學校也。佛蘭西人亦稱勸業會爲商界之大廣告場。然則勸業會之效用。可見矣。農得之而種植。牧蓄之。法進。工得之而制作。裝飾之法。進。商得之而揣摩。風尚擴張。銷路之法。進。竭秉燭之餘光。以覘世界之大勢。有益於老耄。費有限之晷刻。而獲無窮之知識。有益於婦稚。示競爭之趨勢。而發愛國之精神。有益於一切國民。求物質之文明。而得生活之愉快。輪船之利。人人所知也。鐵路之利。尤人人所知也。諸君知有運輸本國物產。以向外國之輕便輪船。輕便鐵路乎。卽勸業會是也。科舉罷矣。試院圯矣。諸君知此文明之實業。固有其文明之實業。科舉試院在乎。卽勸業會是也。

中國無勸業會之害。與外國有勸業會之利。琪既言之矣。若夫南洋勸業會之計畫。及其性質。更有可述者。庶政爲圖強之本。理財爲庶政之本。賽會爲理財之本。不植其本。則爬羅剔抉。無與大原。將來庶政必有歎寂之一日。以預備立憲之中國。百廢待舉。而每歲收入三萬萬。而非施生計根本上之救治。何以圖存。此性質之屬於政治者。一觀世界賽會之決算。其大多數無不獲利。而損失何居少數。賽會於中國。爲創舉。環球遊旅雲集。輻輳滬甯鐵路甯省鐵路直達會場之內部交通便利。市面繁興。則其餘利似覺有盈無絀。至於官商合股。可以通感情。祛隔閡。猶在其次。此性質之屬於營業者。二去夏陶帥發起斯會。首得上海紳商之贊成。今年奏准後。遂設勸業會事務所於南京。董事會於上海。而以琪之薄學淺識。乃爲陶帥與滬上紳商學界諸先生長者所繫。縱使執鞭挾策。爲國人先。歷琪甯不量其所荷之重。怵于心而餒於氣。願猶曉曉焉。傾其垂詢之詞。若有恃而無恐者。以逆揣協贊會會員諸君子。惠然肯來之盛心。豈不曰南洋勸業會者。中國之勸業會。而非南洋之勸業會。更非南洋大臣與董事會少數董事之勸業會。其利益爲吾之父老子弟姻婭僑類所均被。不啻爲吾曹個己之身所均被。

故吾曹之對於勸業會而負同一之責任也不當曰對於中國而負責任亦不當曰對於南洋而負責任更不當曰對於南洋大臣與少數董事而負責任直當謂之曰對於吾之父老子弟姻婭儔類乃至箇己之身而負責任已耳琪以是知諸君子之于南洋勸業會也必將悉其孔武之力以爲諸君子之父老子弟姻婭儔類盡且將轉引諸君子之父老子弟姻婭儔類以爲南洋勸業會盡於是斯會不期舉而自舉不才如琪亦得附於諸君子與諸君子之父老子弟姻婭儔類之驥尾而觀其成焉豈非大局之幸哉。

今琪更有所貢於諸君子者協贊會之性質與其事務是已凡各國舉行勸業會皆別有勸業會之協贊會爲輔助機關勸業會之地點有定而單一協贊會之地點無定而衆多勸業會以有限之職員及董事組織之協贊會以無限之會員組織之考之各國成例其事務之主要者五籌備出品一也招致商人添設遊戲館院二也招待外賓三也爲觀覽人謀利便四也點綴會場益求生色五也五者具備則南洋勸業會之根本固羽毛豐揚子江岸行將轟然闢一新世界由是而進于內國博覽會而進於萬國博

覽會發神州天府數千年之扇鑰以震耀高峻陰鼻者之耳目使中國屹立於二十世紀生計競爭之旋渦中於農爲農國於工爲工國於商爲商國他日中國勸業會發達史出現於世界與各國組載相掩映惟協贊會會員諸君子之賜。

開辦南京勸業協贊會演說稿

陳 琪

今日爲南京勸業協贊會成立之第一日。承 諸君子惠然肯來。豈獨鄙人之幸。實亦本會之福。夫辦勸業會難矣。中國之勸業會更難。辦中國之勸業會難矣。辦南洋一部分之勸業會更難。前無所受。一難也。欸不充裕。二難也。出品爲養會之原料。華人富於保守性質。率沿其數千年相傳之短燧。不知新理。不求進步。鼓一方之魄力。蒐全國之物產。稍不周備。不且示人之陋。貽己之羞乎。三難也。積此三難。得 南洋大臣主持於上。甯滬諸董事維持於下。而事前之種種預備。臨時之種種佈置。非合羣策羣力以圖之。如珠璣。不致貽舉鼎絕續之憂者。幾希。此南京勸業協贊會之所以設也。勸業會爲行政機關。協贊會爲補助機關。勸業會之地點有定。而單一。協贊會之地點無定。而衆多。勸業會以有限之職員及董事組織之。協贊會以無限之會員組織之。南洋勸業

會爲中國勸業會之模範。南京協贊會又爲各埠協贊會之模範。南京爲東南最大都會。江輪梭織。軌線縱橫。交通之利便。誠哉其利便矣。然使交通利便。而實業愈敗。則所謂利便者。乃人之利便。而非我之利便。我之生貨。朝以往。彼之熟貨。夕以來。無論其出入不敵也。即使相敵。一轉移間。而厄已大漏。南京人之生計。之利源。終有情見勢絀之一日。然則諸君子。協贊本會。非協贊本會也。協贊南京人之生計。之利源。而使之曠使之充也。且不啻自擴其生計。自充其利源也。蓋各國舉辦賽會。無不由民間發起。官府因而提倡之。今者有陶帥極力倡之於上。民間若不協力贊助。不獨無以對陶帥。卽南洋人民。亦不可以自對。往者。琪在聖路易賽會。其會卽爲該市發起。在後日本大阪博覽會。其會卽由大阪市補助多金。日本人也。美國亦人也。吾輩既爲中國人。又爲南京市民。其感動當何如之。況賽會與發達市面大有關係。則在南京城內居民。猶當踴躍以從事。抑鄙人更有言者。中外通商。始於江甯五口之約。此約訂而中原之門戶大開。黃毛碧眼之流。垂橐而來。飽戰而去。名曰互市。實則彼有來而我無往。六十年來金錢之流溢於外洋者。如恒河沙數。之不可以計。然則我南京將爲中外商戰史上。

之一大紀念場。而今中國勸業會之設立。又適以此地爲濫觴。以焦頭爛額之餘。爲明恥。教戰之謀。十年生聚。十年教訓。安知我神州天府。不有轉敗爲勝之一日。而失於此者。之不得於此乎。飲至策勳。實惟今日蒞會。諸君子之功。

上海與南洋勸業會（上海實業界招待會演說）

陳琪

（一）上海在二十世紀之位置

周中國皆地也。而言商埠者。必數上海。夫可樂之地。莫上海。可悲之地。亦莫上海。若極口腹之欲。恣耳目之歡。廣衢華廬。高車大馬。無所之而不適。窮陬僻壤。黃童皓首。咸欲一至以爲快。中國之樂土。有逾於上海者乎。公堂大鬧矣。爭之乎。無益也。巡士被逮矣。爭之乎。無益也。租界一再推廣矣。爭之乎。仍無益也。上海者。上海人之上海。而願僕行。跂息於碧瞳黃髮者。銜槩之下。愚者有飲泣而無控訴。智者亦有叫號而無抵抗。中國之悲境。有逾於上海者乎。被服也。飲食也。居處也。三者無不適之。謂樂究其役役者。爲何曰。生計問題而已矣。天下有強權無公理。強權者攫取被服飲食居處三者之武器也。被服飲食居處之樂。極於上海。故攫取之便捷。強武亦極於上海。究其逐逐者。爲

何曰生計問題而已矣。二十世紀者生計競爭之時期也。中國者生計競爭之地點也。而其競爭之潮流則首被乎上海。是故生計競爭之劇烈莫如二十世紀。莫如二十世紀之中國。尤莫如二十世紀之上海。世界商埠星羅棋布不可指數。而論世界大商埠以上海居第七。然則上海於二十世紀之中國。二十世紀之世界其位置可見矣。

(二) 上海受外人生計上之侵略以全國人不能扶助之故。外國人之於農工商也常比較常競爭常進步。故生計恒居於優勝。中國人之於農工商也常隔閡常渙散常固閉。故生計恒居於劣敗。外國人席其恒勝之勢奔軼而東而首陵。嗚呼。上海上海之人外淬強敵之鋒。內顧靡敝之俗。雖復振厲號叫與相支柱而勢常處於不勝。則全國人之負上海而非上海之負全國人也。

(三) 南洋勸業會所以助上海。上海出品協會所以助南洋勸業會。乃者陶帥於江甯奏辦南洋第一次勸業會。將以通隔閡聚渙散祛固閉比較競爭改進其農工商合全國人之力與外國人相見於生計競爭之場。亦使上海之人他日有所執持以爲阻塞外人之具。於以稍盡全國人負上海之舊。實是南洋勸業會之設。

受益者，非一方而其足以扶助上海昭然也。上海者全中國之代表。上海之出品不足觀。則外人將舉之以概其餘。而南洋勸業會之聲價爲之銳減。今上海協贊會成立不及一月。已有上海出品協會之組織。可見竭誠贊助他日必能爲會場生色。是上海出品協會之設爲益者非一端而其足以扶助南洋勸業會又昭然也。

(四) 上海出品協會非僅助南洋勸業會亦以自助

上海出品協會其利害之關於上海者尤切。巴拿馬運河開而西洋人至上海之行期短於昔時者三日。上海與大連灣、大連灣與西比利亞一氣銜接。而西洋人至上海之行期短於昔時者又數日。於是生計競爭之波濤發自倫敦。巴黎、紐約者俄頃之間已翻擧電掣以搖撼吳淞之江水。是故生計競爭之危急莫過於上海。競而勝則中國之倫敦、巴黎之紐約出現。而上海人永永被其榮譽。競而不勝則徒爲英之第二倫敦。法之第二巴黎。美之第二紐約。而於中國人無與於上海人尤無與。微特無與而已。彼外人且將挾其經營屬地之殖民政策。施於印度、於南洋羣島者。以施於上海。胥吾之主權而眶眦以去。出品協會者所以表暴其農工商品之優劣。自改良以求與外人競

勝。毋令外人得施其殖民侵略之政策也。且日本凡赴外國賽會。必組織出品協會。今其農工商業已有侵入世界各大商埠之勢。中國無出品協會。故偶一赴外國賽會。無不貽譏鄰國。上海爲外人所屬目。今日之出品協會組織完全。他日若赴外國賽會。必能逾其舊辱。由前而言。上海出品協會。可謂爲主權保存會。由後而言。上海出品協會。可謂爲世界賽會預備會。非僅爲南洋勸業之預備機關已也。

(五) 出品協會以外之希望

諸君能組織敏捷完美之出品協會。以爲他埠之標準。琪既頓首以竣矣。然而更有進者。南洋勸業會開賽期在明年四月。以上海人之心思能力。而又鼓之以無前之熱忱。誠能於此一年內擴充各項簡單之機器。製造改良物品。取外國貨之適於中國用者。而仿造之。一效日本。所爲使國民逐漸不用外貨。不獨上海人之名譽實業。將蜚翺於二十世紀之生計界。而全中國之人亦得沾被上海人之大惠。豈不盛哉。琪以是爲上海出品協會出品諸君頌。

南京與南洋勸業會開辦南京勸業協會演說

向瑞琨

世界之有博覽會也。其起在一千七百九十八年。法國開工業博覽會於巴黎。其政策在對待英國工業。故當時法國內務大臣致各部大臣書曰。「此會觀者雖少。然爲對英工藝之第一戰爭。與英國工業之最大打擊也。」今讀其書旨趣。實含有挑戰意味。及至千八百五十一年。英國愛羅伯托親王創辦萬國大博覽會於倫敦之海托公園。以文化之進步。時勢之推移。其會遂有平和旨趣。其後各國轉相效法。國於世界者。莫不倡辦是會。以謀發達其生計。會小而次數多者。首推德會。大而辦理周密者。首推法如美。如意。如俄。及在歐美諸國。莫不按時開設。即日本亦開有全國博覽會五次。瑞典嘗攷各國博覽會辦法。最近又屢觀各會。以爲吾國土地之大。人口之衆。物產之豐富。皆宜生計者最好之材料。雖不能即辦萬國博覽會。亦可籌辦全國博覽會。乃除各省所辦之陳列所。勸工場外。所謂 *International ex position*. 及 *Indutield ex peition*. 固無人盡力提倡。即地方博覽會。亦未聞有開設者。去年 陶帥首在東南。倡辦是會。遂啓 南洋勸業會發軔之跡。今春二月。事務所成立。瑞理以淺陋之學。蒙 陶帥及在事者屢次責令與聞。然辦事首在定宗旨。宗旨既定。則進行不至誤途徑。是會之宗

旨。一在發達生計。二在補助教育。此固世界地方賽會之通義也。次則嚴範圍。範圍既嚴。則籌備有秩序。是會注重於南洋。而影響則欲及於全國。故南洋各府先辦物產會。各省各大商埠則辦出品協會。雖與各國辦法稍異。中國初辦。不能不如是。且非此亦不足鼓動人民也。又次則在別性質。性質明則人知所守。是會爲公司組織。故含有營業性質。用人惟謹。用費惟節。不獨與各局所辦法有別。卽與各公司辦法亦殊。此固發起者當日之苦心。亦辦事者不能另圖發展之點也。然此猶爲內部組織之大要。前次坐辦陳公已屢爲說明矣。瑞琨對於是會。尙更有進者。茲特廣述如下。

一曰生計之競爭。人類自初生以至於老死。所最注意者。莫如生計問題。故無論圖騰社會。宗法社會。軍國社會。其進化之次序。皆與生計有密接之關係。瑞琨嘗謂世界過去事件。不外保存種族。與維持生命兩事。所謂維持生命。其一卽爲生計問題。今則萬國交通。以生計侵人爲滅國之法。欲保全種族。又當注重於生計問題矣。卽就世界之現勢論之。其競爭之點。不外發達生計。而吾國適居競爭之旋渦中。瑞琨前述說畧已將大致演述出。諸君當已入目矣。今日世界所開之博覽會。卽爲此生計問題之產

物羅各國物品於一場。何物可供世界之需要。何物價廉而物美。何物尙可擴張銷路。何物尙宜改良製法。一入會場。優劣即見。優劣出則競爭猛。競爭猛則進化速。西人有所謂 Reasonable Competition 卽有道理競爭之意。博覽會之競爭。適足以富之。中國歷史上賤商之政頗多。至於農業。尙爲注望。今則無論農工商業。其採取製出產出各品。皆集於會場。屆時請農工商部審查等第。分別獎勵。譬如學堂之試驗。軍隊之校閱。不獨可藉資研究。以謀改良。且可獲得名譽。以廣銷路。諸君皆有進化思想者。可於會中一試之。

二曰世界之教育。世界交通。國於世界。其人民非有世界思想。不足以立腳。吾國人民之最乏者。莫如世界思想。然欲與人民以世界思想。語言文字之功固多。而在新近國家。尤以實物教育爲最速。今會場中另立有參攷館。集各國之品於一室。何者爲前進國之物。何者爲後進國之物。何者爲野蠻人所產。何者爲文明人所能。發各人種特有之技能。與吾人以參攷研究之資料。卽會場各館院之式樣。均仿自各國。如美國教育發達。教育館則用美國式。德國工業發達。工業館則用德國式。其餘各館。依此而定。

平日與人談各國房屋。多不能明。今則一見即知矣。將來開會時。尙擬請各國學者。宗教家。技藝家。臨時開會。討論一切。日本大博覽會長金子君。謂博覽會如世界的學堂。其語良有以也。

三曰國家之盛典。最近各國開設博覽會。嘗集世界之技藝音樂等事。開臨時會。以娛觀者之耳目。並集各國之紀念日於場中。發生各事。卽以聖路易萬國博覽會言之。如美國獨立紀念日。南北戰爭紀念日。凡永刻於腦中。使國民不能忘者。則藉是日與觀者莫大之興味。瑞典八年前在日本見大阪博覽會。亦臨時發生各事。而市民至今尙津津道及。蓋人類本爲感情動物。苟有激動感情之事。則永遠不忘。我國最近之紀念日。如頒發九年立憲詔之紀念日。及本年之宣統紀元。皆可使國民不忘者。開會時擬逐一舉行。憶十餘年前。瑞典嘗倡廢鄉間祭祈演劇之說。然吾國人勞勩之間。過多。苟無閒時以散其鬱氣。則結果反生他事。今國民既入此生存競爭場。則娛樂固爲必要事。亦各國最近博覽會所通行也。

四曰國民之外交。往日之所謂外交者。不過甲國外務部與乙國外務部之交涉。所

謂國交者。不過甲國皇室與乙國皇室之交涉。國民不過爲其後援。至近二三十年來。有所謂國民的外交者。除受政府指揮之外。國民自由活動。能與外交上以莫大之利益。國民爲外交之潛勢力。以文明進步世界交通故也。玆現去年在日本。適日美感情上稍有衝突。而日本實業家則發起一會招待美國實業家。同時美國水師東遊。日本全國老幼皆開會歡迎。而美人之歸者皆發議謂日人待美人實無惡意。至秋間遂得美日協約之結果。此國民外交之明效也。將來本會對於外賓。特設一外事科。專盡招待之誼。又另設嘉賓館。嘉賓會。以與外人連絡。并擬臨時開音樂會。跳舞會。以通來觀者之感情。往日我國人對於外人時有衝突。半由於彼此不通情誼。今則揖讓於一堂。故謂博覽會爲國民之外交場。亦未始不可。

雖然勸業會既挾此目的以進行。其始也不過發起及任事數十人之志願。其終也必得全國多數人之贊同。方能竟其志。故本會目的之能達與否。要在於贊同之多少。數決之。然贊同者苟無機關以爲之表示。則贊同之意志。亦無自而見。本日所開之協贊會。卽諸君協同贊助之機關也。故協贊會之與勸業會。猶如鳥之有翼。軸之有輪也。

勸業會之性質。在執行事務。協贊會之性質。則輔助本會。勸業會之組織。爲商憲所委任。協贊會則由於熱心諸公之自由結合。勸業會之範圍。在發生一定事實。協贊會則可自由發生。前次上海開協贊會。頗極一時之盛。南京者歷史上有名之區。又勸業會發生之地。東南數省之頭面也。將來本會之發展。與南京協贊會有莫大之關係。諸公倘能極力提倡。以爲各處協贊會之模範。上固可慰陶帥提倡之心。下亦得完箇人應盡之責。且會場開在南京。而享利益則以南京人爲最大。如美國芝加哥重開博覽會。而市內高架、鐵路、電車。均由之而設。陰濕之地。易而爲通衢。人口遽增六十萬。芝加哥之美術協會、博物館。及一切建築。均爲之一新。工場之數。立增二倍。商業之資本。亦加數倍。前數年聖路易博覽會。該市之道路自來水消防術等。均大有進步。其鐵道直增數線。而銀行旅館。增設尤多。此皆有報告可稽者也。今會場既設在南京。則城北市面之振興。可立而待。故此會直接之利益。南京市民受之最多。然有權利者。卽有義務。南京市民既得此權利。則有應盡之義務。故謂南京協贊會。爲市民義務之機關。亦無不可。抑瑞珉更有言者。人類日夜活動。半爲生計問題。所謂生計問題者。卽衣食。

住。三。事。勸。業。會。既。爲。吾。人。謀。衣。食。住。而。設。試。問。吾。人。所。謀。之。衣。食。住。爲。謀。肉。體。的。愉。快。乎。抑。謀。精。神。的。愉。快。乎。衣。履。潔。則。精。神。表。見。於。外。飲。食。良。則。精。神。振。於。內。居。住。良。則。精。神。日。趨。於。完。美。此。不。待。有。識。者。卽。知。爲。精。神。之。愉。快。者。也。是。吾。人。欲。謀。精。神。之。愉。快。遂。發。生。衣。食。住。問。題。因。有。衣。食。住。問。題。遂。發。生。勸。業。會。則。謂。勸。業。會。爲。吾。人。精。神。之。結。晶。體。亦。未。始。不。當。夫。勸。業。會。既。爲。吾。人。精。神。之。結。晶。體。則。吾。人。用。精。神。以。對。付。之。是。吾。人。之。天。職。也。苟。對。於。此。會。不。盡。其。所。職。是。不。管。與。精。神。自。相。離。判。也。人。而。與。精。神。離。判。時。曰。非。人。瑞。理。用。是。以。自。勉。并。乞。諸。君。子。有。以。教。正。焉。以。下。解。說。章。程。

協贊會草案第三條事務項解說如左

甲 關於運動出品事件

按照勸業會總章出品部類分途運動

乙 關於遊戲館院設備及招徠事件

戲館 馬戲 各種獸戲（如猴戲羊戲鬪牛戲等）

彈子房（彈有大小兩種一置於案一置於地小者以木槌擊彈大者以彈擊木槌）

足練視力智力)

油畫館

世界周遊館(集世界名勝地方各種風景畫按照旅行途徑分段懸掛如東行者首日本東京次美國聖路易次英國倫敦由是歷游諸國名都而以南洋羣島及印度安南等爲終點西行者反是其畫多用油畫)

飛艇(以纜絡艇置斜坡上弛纜則艇自坡上直趨渡心飛沫四濺最爽心目)

釣魚磯

習鎗所

各種演藝館(凡一切拳術手技口技皆是)

幻影宮 影戲館

丙 關於招待外賓事件 嘉賓館 嘉賓會

與外賓組織各協會(如中美協會中日協會等)

請臨時通譯 通信招待外賓

丁 關於籌畫觀覽人便利事件

改良旅館 整理道里 設各車馬房

與輪船鐵道公司交涉特別減價

於通衢置指路人(告以會場內各館院之所在)

指定旅館并令其減價

設自動德律風

發行勸業會指南記(詳載會場各館院之內容特色位置等及觀覽應知之事項)

勸人組織團體觀會(如軍隊觀會學生聯隊觀會等)

休息所(如軍人休息所學生休息所普通休息所等)

茶寮

戊 關於增進會場盛況事件

(一)關於教育者

南洋教育大會 各小學堂聯合會 女子教育大會

女子美術協會 家庭教育會 聾啞教育會

算學會 物理學協會 化學協會

統計學會 美術協會 地理歷史學會

各報館聯合會 醫學協會 動植物學會

女子文學會 量體計 演說會 閱報處

關於教育之各種協會

(二)關於實業者

絲業會 鹽業會 茶業會 綢緞業會

錢業會 航業會 運送業會 保險業會

陶磁業會 裝飾品協會 土木業協會 漁業協會

農業大會 工業大會 郵電協會 鐵路大會

各公司聯合會

(三)關於慈善事業者

南京與南洋勸業會

救貧會 慈善音樂會 慈善演藝會

獄徒救濟會 孤兒救濟會 慈善同盟會

置本箱於會協中徵收慈善費 臨時發生各項事業

(四)關於體育者

體育會 (練習各種體操) 競渡會 (以船競賽) 拋球場 (分拋球陽

球兩種) 跑馬場 運動場 自由車競走會

(五)關於以外各事

音樂會 跳舞會 演技會(如圍棋投壺擊劍之類) 烟火 輕氣球

飲食店 西菜館 牛乳咖啡館 飲冰館 各種展覽館

南洋勸業會與國民之覺悟(白話演說)

請問諸君 世界上面 一有人類 就紛紛擾擾 鬧箇不了 到了近年 寰球交通 這一國的國家 借着他人民的力量同那一國爭雄 那一國的人民 又借着他國家的力量同這一國鬪勝 格外紛紛擾擾 鬧箇不了 究竟爲着甚麼

事呢 一句話就賅括盡了 不過是爲的生計問題四箇字 甚麼叫做生計問題 簡捷些說 就是吃飯穿衣居住房屋 這三件大事 這生計問題的着落在那裡呢 就在那農工商三種實業上面 若是沒有只三種實業 人類就不能興旺 若是一國之中 這三種實業 不能興旺 這國家就不能成立 所以農工商三種實業 是人類生活的根本 實在就是國家立國的根本 最關緊要 可以一說就明白的了

再請問諸君 自從各國通商以來 英國租借我們的香港 日本租借我們的旅順大連灣 德國租借我們的膠州灣 法國租借我們的廣州灣 做根據地 至於美國 雖未租借地方 也在太平洋中之非列濱立下腳根 各強國都不惜巨款 經營他的租借地 各處通商碼頭 各國的人也不惜拋棄資本 竭力的經營 今日用外交手段 明天又用海陸軍的強權 都來爭太平洋的權力 這們不憚煩勞 究竟爲着一回甚麼事呢 諸位聽着 他們最利害的主義 就是推廣他們國裏人民的生計問題 來侵佔我們同胞人民的生計問題 請教這生計

問題 可是被人侵佔得的嗎 他們用的方法 就從通商入手 他們的商業推廣到我中國 他們的農產工藝 就一齊行銷在中國地方 我們的商業 被他們壓倒 我們的農產工藝 就暗中受了大虧 所以我們全國人的生計問題 就處於最危險的地位 譬如美國驅逐我們華工 日俄戰役後 東三省的生意 幾乎被日本的小販做盡了 尤其是顯而易見的事 我們現在要抵敵外國 從外交上着想 從海陸軍上着想 還是第二着棋呢 第一着棋 是先要從實業上着想 才能設得着根本呢 但是我們中國 商業很為疲憊 農工各業一切 還是守着舊法 而且大家很散漫的 一旦要振興起來 同東西各國抵敵 這事很不容易 不能空口說白話 更不可枝枝節節去做 須要有箇實在方法 又要有那實在力量 要有實在方法 非設立一個鼓勵的機關不可 要有實在力量 非上自國家下至人民同心合力的 做成了一箇完全國鼓勵機關不可 近來民智漸開 大凡商界工界農界的人 人人都懷着奮興意思 但是這種機關沒有發現 這些人的意思 都無從表明 所以奮興的景象 也就不能發現

這樣說起來振興實業 是立國的根本 而建立這鼓勵機關 又是根本中的根本 可惜大家因循着 這種緊要機關 從來未曾有人提起 所以我們中國的實業 就日退一日到了今天的地位 到了今天的地位 那可是不能再因循了

現在兩江制台 端大帥 奏明了 皇上 咨准了農工商部 要在南京地方建立一箇南洋勸業會 勸業的宗旨 就是專門勸勉農工商三種實業的 這勸業會的辦法 就是仿照外國賽會的辦法 這勸業的作用 就是要做我們中國農工商三種實業的鼓勵總機關 這個會成立起來 就是我們中國實業界發達的第一聲號砲 也就是我們中國全國人生計問題的第一線日光 凡是實業界中人 以及非實業界中人 都應當急起歡迎才是

諸位要知道 端大帥 發起這勸業會的原委 是很費苦心呢 端大帥於光緒三十二年 偕同現在度支部澤公爺 法部戴尙書 度支部紹侍郎 福建藩台 尙方伯 奉 命出洋 考察政治 親眼看見歐美各國 商務非常的興盛

工藝農產 色色精奇 般般豐物 令人羨慕 因而想到我們中國種種實業 沒有一件及得人家 苦心孤詣 攷究各國實業發達的理由 要想轉移我們中國的實業 也同各國一樣的發達 再三研究 想到賽會的關係 非常緊要 中國實業 要想振興 除了創辦賽會 并無第二方法 回國以來 就想創辦這件事 又因南洋大臣 本有籌辦東南半壁商務的責任 江南又是商務最緊要的地方 萬不能拘守着老子的道理 不肯爲天下先 又因中國數千年從來沒有辦過這賽會的事 向來官府同農工商各界紳民 又彼此隔閡 情意不通 經費又十分困難 形勢又十分散漫 苦心籌劃了二三年 才發起這會的名義 端大帥規模宏遠 爲 朝廷所深許 就是創辦這會 實在是有宏大的志願 而一片辦事苦衷 又屬遠近紳民 所當共爲體諒的 然而實業界的同人 不免有點疑惑 說賽會是回甚麼事呢 何以賽會就能振興實業呢 外國賽會有甚麼可證據的事呢 中國何以定要學他們呢 這勸業會是怎樣辦法 要我們大家怎樣出力呢 這幾層問題 却不能不一一說明

叫諸位了然於心 才肯大家出來幫助這勸業會成立 但是學理也極深 辦法也極繁 今日祇能將大概的情形 推演出來 諸位皆是明白瞭亮的人 一聽就可以洞悉本源的了

外國的賽會有兩種辦法 一種叫做專門的博覽會 是把專門的物產器具 聚集會場 比賽優劣 一種叫做普通的博覽會 是無論何種物產 何種器具 一概聚集會場 比賽優劣 這普通博覽會的辦法 也可分做兩種 一種是把世界各國所出物產商品 一齊徵集會場 比賽優劣 叫做萬國博覽會 一種是把本國所出物產商品 一齊徵集 比賽優劣 叫做國內博覽會 賽會一事 創始於巴黎工藝賽會 其時為西歷一千七百九十八年 就在我國嘉慶年間 以後各國繼起 日見發達 萬國博覽會 是創始於英國 事在西歷一千八百五十一年 就在我國道光年間 其後各國爭相效法 最出名的博覽會 共有十次 叫做十大博覽會 日本明治維新初年 取法歐美 於明治十年 就是同治五年 開第一次國內勸業博覽會 以後過幾年開一次 共開了五次

各國每開一回博覽會 商務工業 就進步一回 所以愈開愈興會 到了如今東西各國 幾乎沒有一國不開會 沒有一年不開會了 現在南洋勸業會 是仿照國內勸業會的辦法 專注重比賽南洋的物產 因為開萬國博覽會 規模太大 一切毫無預備 辦來恐怕沒有把握 而且先要自己國內物產興旺 然後才能同世界各國比賽 這箇主人翁是不容易做的 所以只得仿國內博覽會的辦法 發起這南洋勸業會先行試一試 再想推廣方法 并且避去博覽二字名目 這是 端大帥格外謹慎 格外靠實的意思 說到賽會的利益 在歐美各國 早有大經驗 不然 他們賽會的舉動 何以這樣踴躍呢 你看日本這們一箇國度 近年以來 他的商務非常發達 也是得的賽會的利益 這賽會的利益如許之大 他的緣故在那裏呢 他的緣故就在鼓勵全國農工商界的人民 人人有競爭進步的思想 事事得競爭進步的效果 他的妙用 大概約有四大端

第一是比較 世界上無論甚麼事 總要有進步 若是沒有比較 就沒有競爭

既沒有競爭 還有甚麼進步呢 至於各種實業進步的根原 尤在比較上發生 賽會的辦法 是將全國物產聚攏一處 互相比較 何物價廉而物美 何物造法易而得多 一經比較 優劣好壞 當場判別 出品優美的 自然愈加高興 更求進步 出品次點的 動了競爭的心腸 自然也要講求進步了 這是賽會第一件妙用

第二是獎勵 名譽心 是人人有的 有了名譽 將來就有利益 况且商業工藝的招牌 是最要緊的 牌子好 生意自然興旺 牌子差 生意就要減色 但是沒有特別的獎勵 則名譽心 也就日就湮沒了 賽會的辦法 是要聘請各處有名的農工商大學問家 大經驗家 并由國家派員 會同品評 有物品精良的 分別獎給特別的商標 或是獎給金牌銀牌等項 甚至由各國的君主民主親自降旨獎勵 當場講評 當場給予 是何等的光榮 何等的體面 得了這番光榮體面以後 名譽大振 自然銷場暢旺 生意興隆的了 全實業界中人 都要得這箇獎勵 誰不勉力競爭 以求進步 這是賽會的第二妙用

第三是研究 一件事 沒有研究 雖有競爭的心 終是沒有進步的 一個人坐在家裏研究 又不如公衆研究得力 況且商品物產 是要合乎用品人的心理的 賽會的辦法 將種種商品物產聚集 任人觀覽 并且將各種出品的先後 變更的歷史 申叙出來 任人攷究 其中出色處同那缺點處 以至合乎用品人的心理 或是不合 大家合力研究 易於了然 一經研究有得 這改良進步的方法 就容易當機立判了 所以賽會場 有人將他比做全國的實業大學堂 增長實業界中人的學問 實在不少 這是賽會的第三妙用

第四是觀感 凡事沒有精神 終歸沒有進步 各實業界中人 終年孜孜矻矻 講求什一之利 在市廛之中 忙忙碌碌 無所觀感 精神上就不免困頓 若是沒有震動人心的大舉動 大家對於這農工商各界 也覺得一無觀感 也就不甚注意了 賽會辦法 是異常的特別 異常的熱鬧 大家興高采烈的來趕這榮幸的賽會 出品應會的人 看看自己的物品 看看全場的物品 心中自然有所感動 就是他界的人入場觀覽 看見種種物品 輝煌炫耀 大家重

視實業的心腸 不知不覺的就感動起來 人人的觀感既生 人人的精神自振
然後合力講求進步 就容易了 這是賽會的第四妙用

賽會有這四種妙用 所以收效很大 各國因得賽會的利益 所以實業異常的
發達 我們中國現在開辦這勸業會 將來也可以收這妙用了 但這勸業會雖
是仿照外國賽會辦理 而在中國有許多爲難處 所以辦法也有不同處 創辦
這勸業會須用經費 雖然將來不至虧折 然而究竟是沒有辦過的事 目下商
力尙不充足 若由官場獨力創辦 又恐商民不甚信官 因而 端大帥想出來
意 創立公司 官商合辦 由官提款二十五萬 由上海及各處大商提款二十
五萬 共是五十萬元 充做創辦南洋勸業會的資本 向來官場辦事 往往捐
集商資 此次勸業會 是專爲振興商業及農工各業而設 先由官場出款 這
是官場實力爲商的第一回實事了 將來這賽會的會場 就在南京公園內開辦
已由官買定地基七百畝 狠爲寬大 預備明年四月初一開會 六箇月以後
閉會 現今先在南京花牌樓設了一箇事務所 做箇籌辦南洋勸業會的總機關

又在上海地方 設了一箇董事會 董事會中人員 全用出股的紳商 凡事務所所辦各事 以及開支用款 要受上海董事會的監察 就算是南洋勸業會的監督機關 向來官場 都是監察紳民的 此次官場辦事人 轉受紳商的監督 這更是 端大帥 開誠布公 格外屈己 聯絡商情的意思了

這勸業會辦起來 第一件事 就是招徠國內各處物品 運到會場裏來 中國商情 現在很散漫 各地農工 更沒有這賽會的理想 非另外設立預備機關 輔助本會 預爲準備 將來各處輸運物產來本會陳賽的 難見踴躍 現在預備先設兩種機關 一種叫地方物產會 一種叫出品協會 地方物產會 設在兩江總督管轄區內 每府設立一會 譬如江蘇的江甯府設立江甯物產會 揚州府設立揚州物產會 安徽的安慶廬州等府 江西的南昌九江等府 設安慶廬州南昌九江各物產會 每府物產會 搜羅合府各種物產 於今年先行開會 由督帥及事務所派員審查 挑選上等物產 准於明年運會陳賽 出品協會 設立在全省及各要商埠 各要商埠 雖在江督屬下 亦准設立 如用普

通物品 彙集設會 就叫做某省出品協會 或是叫做某埠出品協會 若是一種專門物產 或者是特別工藝 亦得獨設出品協會 譬如茶業 可以組織茶業出品協會 絲業可以組織絲業出品協會 也於今年先行組織成立 以爲明年合同賽會的準備 這兩種會 是本勸業會的預備機關 若是沒有這兩種會 本勸業會就沒有根據 由此說來 勸業會關係重大 這物產會同出品協會 關係於勸業會的 又非常緊要 所以特派調查員分赴各處勸說 聯絡紳商士民 趕緊創立這物產會同出品協會 尙望熱心諸君 竭力贊成此舉 諸位要知道這勸業會 不是兩江總督的勸業會 乃是中國全國農工商各業中各個人的勸業會 南洋不過是開會的所在 並不是這會的物產同這會的名義 就限於南洋 兩江總督雖充本會正會長 尙處於提倡人及發起人地位 諸位出品人 才真是這會的主人翁呢 全國有志同人 可不同時發起嗎 這勸業會 既設在南京地方 凡兩江各屬較爲就近 將來陳賽物產 必能宏纖畢集 格外詳備 才不辜負自己所處地位 若是兩江各府 所有物產 臨

時不能齊備 於勸業會面子上 固不好看 試問兩江素來以商務繁興 物產繁多著名的 一旦甘居人後 豈不可羞 若要將來辦得好 惟有仰望各地 方熱心商家 及農工大家 實力提倡 先將物產會 趕緊設立 將所有工藝物產 趕緊詳細調查 兩江各屬商民 開通最早 該可以不負這箇希望 向來各府紳民辦事 都不免有觀望的弊病 這回辦這地方物產會 深望諸君 踴躍創辦 不要彼此觀望才好

兩江地方物產雖多 萬不足以代表全國 若是將來開會 徒然陳賽兩江物產 而各省重要商品 不能齊備 更是件慚愧的事 萬國博覽會 方且不分會界 踴躍輸運賽品 中國自辦賽會 乃不能自集各省物品 豈不貽笑於外人嗎 況且商業要貴流通 南省物產或行銷於北省 北省物產或行銷於南省 正可借此大會 以暢銷行 亦何憚而不爲呢 至於各省各埠特別物品 能設獨立組織協會 或來會場自行建造陳列館的 尤爲會場特色 本會分外的歡迎 各省埠實業界的紳民 果能熱心從事 爭先組織出品協會 同地方物產

互相表裏。這不但是本會的幸福，并且是全國實業的幸福了。

這因辦事宗旨，總要破除界限，才能希望有成效。第一要破除官民界。此次開會，端大帥奉旨充正會長，凡預會各商民，俱係會員，官民已經併合一體。這官民界自可不存了。第二要破除省界。會名雖加以南洋二字，但係就開會的地方而言，本會所以在南京開辦的，因為南京交通便利，與上海相近，商務比別處繁盛，兩種緣故，并無他意。大家總要認定本會，是關係全國的，不是關係一方的。這省界自可不存了。第三要破除城鄉界。各處城市中，大商大買，以及農工大資本家，固應踴躍趕會，就是鄉鎮間的小販村農，也不妨聯合同業，或聯合數村數鎮，共輸物品，就是有一種技藝的人，自己把所造的物品，送到本會，只要技藝可取，本會沒有不准陳養的，并且要憑公獎勵。而且商務雖在城市之中，這些物產，都是從鄉間生殖出來，商務果然發達，鄉間受利尤大。這城鄉界更可存了。破除了各種界限，大家就可以放量出物，不必瞻前顧後了。

但是商人辦事 總是拿顧本做宗旨 要知道出品陳賽 運送會場 是不會折本的事 第一是關稅 這回賽會的出品 業經 端大帥 奏准免稅 毫無留難花費 第二是水脚 此次賽會的出品 又經 端大帥 奏准 無論輪船鐵路 都是半價 由 端大帥給三連單為憑 第三是租屋金 本會辦事宗旨 拿公益做主義 不拿謀利做主義 這種租屋金 將來斷不多取 水脚房租又輕 貨的成本自然不重 臨場觀覽的人 可以在閉會時議價賣買 眼前即可獲餘利 萬一出售不了 也不過花個半價的運費及少許租金 決不致大受虧累 如果得有獎勵 招牌一香 大利無窮 而且某處有某種好物產好工藝 未必通國都曉得 經過這回陳賽 大家都曉得了 銷場自然就會興旺 這賽會是個最好的招徠的法子 試問還有甚麼不貪圖呢

總而言之 這回勸業會的事 端大帥創設的意思 重在為商 第二就是為農 工 農工商一發達 國家自然受益 諸位商界中人 或是農工各界中人 若肯踴躍出品陳賽 圖將來的進步 大之就是為國家 小之還是為自己 諸位

想想 還是爭着出品爲是呢 還是藏着頭不肯出品爲是呢 這句話不要等明
白人 就可以解決的了

各處大公司的股東同經理人 以及有名大商家 素來熟悉時勢 深明大義
自然不憚煩勞 極願出品的了 但恐怕謹厚本分的商家 以及內地農工 還
有未盡了然的 商會諸公同地方的開通的紳士 都有勸導的義務 而且賽會
物品中 有教育品一門 尙望學界諸公提倡組織 學界諸公對於地方實業界
也有勸導的責任 總望全體熱心 將這個勸業會贊助成功 果蒙大家贊成
這就要爲我們中國實業前途 固我們全國人的生計前途 高呼萬歲了 至
於諸公贊成的實行 就請提倡組織地方公會 或且組織出品協會 這就是下
走今日前來叨教的意恩

十四頁 五行

界誤畧

十六頁 三行

進行誤行進

二十二頁 十行

民力日殫

誤力民日殫

三十四頁 五行

各省著名

誤着字

三十九頁 十行

會場正門

正字誤止字

五十頁 四行

按期舉辦

誤按辦期舉

六十四頁 八行

物產會事務所

落物字上一該字

六十五頁 一行

又

又落一該字

又 五行

又

又落一該字

七十五頁 十一行

裝飾誤裝飾

八十三頁 四行

先期由上海董事會

落一海字

八十九頁 十行

朝晝諾而夕翻議

落諾字

百十頁 三行

置木箱於會場中

木字誤本場字誤協

百二十二頁 二行

將來辦得好

看字誤着字

正誤表

一二二	同上	一一〇	一〇六	八九	八三	七五	五〇	三九	三四	二二	一六	一四	頁數
二	同上	三	八	一〇	四	一一	四	一〇	五	一〇	三	五	行數
二三	五六	二	四五	三	一二	二三	二〇二	九	八	二〇八九	一〇五六	四	字數
着	會協	本	落二字	落一字	落一字	飭	辦舉	止	着	力民	行進	畧	錯落
看	協會	木	章程	諾	海	飾	舉辦	正	著	民力	進行	界	更正

